



Հելսինկյան Քաղաքացիական Ասամբլեայի
Վանաձորի գրասենյակ



OPEN SOCIETY
FOUNDATIONS

ՏԵՂԵԿԱՆՔ

ԶԻՆՎԱԾ ՈՒԺԵՐՈՒՄ 2014 ԹՎԱԿԱՆԻ
ՄԱՀԱՑՈՒԹՅԱՆ ԴԵՊՔԵՐԻ ՄԱՍԻՆ

ՎԱՆԱԶՈՐ

2015


2014 թվականի ընթացքում ՀՀ զինված ուժերում եւ ԼՂ պաշտպանության բանակում 42 միջադեպի հետեւանքով մահացել է 46 զինծառայող, որոնց թիվը 2013 թ-ի համեմատությամբ ավելացել է 15-ով:

2014 թ-ին գրանցված մահացության 46 դեպքերից 26-ը տեղի է ունեցել հրադադարի ռեժիմի խախտման հետեւանքով¹, 6-ը՝ դժբախտ պատահարի, 4-ը՝ սպանության /2-ը՝ դիտավորյալ սպանության, 2-ը՝ զենքի հետ վարվելու կանոնների խախտման/, 3-ը՝ մարտական հերթապահություն կամ ծառայություն կրելու կանոնների խախտման, 3-ը՝ առողջական խնդիրների եւ ոչ պատշաճ բժշկական ծառայության տրամադրման, 3-ը՝ ինքնասպանության (ըստ հարուցված քրեական գործի որակման), 1-ը՝ զենքի հետ վարվելու կանոնների խախտման պատճառով:

Հարկ է նշել, որ, եթե վերջին չորս տարիների ընթացքում հրադադարի ռեժիմի խախտման հետեւանքով մահացության դեպքերը կազմում էին ընդհանուր մահացության մինչեւ 28 %-ը, ապա 2014 թվականին այն կտրուկ բարձրացել եւ կազմել է գրեթե 57 %: Եթե կատարենք հետեւյալ բաժանումը, ապա կարող ենք փաստել, որ հրադադարի ռեժիմի խախտման հետեւանքով մահացած 26 զինծառայողներից 10-ը մահացել են հակառակորդի դիվերսիոն-հետախուզական խմբերի ներթափանցման հետեւանքով, իսկ մնացած 16-ը դիպուկահարների կրակոցից, չնայած միշտ չէ, որ ԶԼՄ-ներում նշվում է, որ դեպքը տեղի է ունեցել դիպուկահարների կրակոցներից: Նկատենք, որ զուգահեռաբար նախորդ տարվա համեմատությամբ կրկնակի չափով աճել է հրադադարի ռեժիմի խախտման դեպքերի թիվը / տես գծապատկեր 1/:

¹ 1 դեպքի մասին տեղեկությունը տարածվել է ԼՂ նախագահի կողմից հետմահու պարգևատրված զինծառայողների մասին հրամանագրում: Պատճառը չի նշվում, բայց զինծառայողը պարգևատրվել է «Մարտական ծառայություն» մեդալով՝ ԼՂ պետական սահմանը պաշտպանելիս ցուցաբերած արիության համար - <http://www.president.nkr.am/am/news/lawsOrders/2654/>


Գծապատկեր 1.



Ինչպես տեսնում ենք գծապատկեր 1-ից՝ հրադադարի ռեժիմի խախտումների թիվը կտրուկ ավելացել է մայիս ամսին եւ շարունակվել մինչեւ օգոստոս ամիսը ներառյալ: Այնուհետեւ հոկտեմբեր ամսից կրկին գրանցվել է կրակոցների թվի աճ:

Տարվա կտրվածքով հրադադարի ռեժիմը խախտվել է **30310** անգամ, այնինչ 2013թ. այս թիվը կազմել է **13250**:

Միաժամանակ, ինչպես տեսնում եք գծապատկեր 2-ում, ավելի քան հնգապատկվել է նաև հրադադարի ռեժիմի խախտումների հետևանքով մահացությունների թիվը: Գծապատկեր 2.




Մահացության դեպքերից 14-ը տեղի է ունեցել Հայաստանի Հանրապետության, 32-ը՝ Լեռնային Ղարաբաղի տարածքում:


Հարկ է նշել, որ 2014թ. **հրադադարի ռեժիմի** խախտման 26 դեպքերից 23-ը տեղի են ունեցել ԼՂ տարածքում, այնինչ դրանց թիվը նախորդ տարի եղել է 1-ը՝ ընդհանուր 5 գրանցված դեպքից:

3-րդ գծապատկերում համեմատության մեջ ներկայացվում է 2014թթ. մահացությունների դեպքերն ըստ տարածաշրջանների:

Գծապատկեր 3.



Գծապատկեր 4.



2014թ. գոհերից 8-ը պայմանագրային զինծառայողներ են /1-ը ՀՀ-ում ՌԴ զորամասի ազգությամբ հայ զինծառայող/:

Մահացած զինծառայողներից 13-ը սպայական կազմից են /2 լեյտենանտ, 5 ավագ-լեյտենանտ, 2 կապիտան, 2 մայոր, 1 փոխգնդապետ եւ 1 գնդապետ/, մյուս 25-ը՝ ժամկետային շարքային զինծառայողներ:

2014 թվականի 46 մահվան դեպքերից 34-ի վերաբերյալ քրեական գործ է հարուցվել.

- 16-ը՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով, որից 3-ի զինծառայողների մահվան փաստով քրեական գործեր են հարուցվել նաև ՀՀ քրեական օրենսգրքի 185-րդ հոդվածով՝ գույքը դիտավորությամբ ոչնչացնելը կամ վնասելը (ուղղաթիռի կործանման դեպք),
- 3 դեպքի առիթով քրեական գործ է հարուցվել ՀՀ քրեական օրենսգրքի 365-րդ հոդվածի 3-րդ մասի հատկանիշներով՝ մարտական հերթապահության կամ

մարտական ծառայություն կրելու կանոնները խախտելը, որն առաջացրել է ծանր հետեւանքներ,

- **3** դեպքի առթիվ հարուցվել է քրեական գործ ՀՀ քրեական օրենսգրքի 110-րդ հոդվածի 1-ին մասով՝ սպառնալիքի, դաժան վերաբերմունքի կամ անձնական արժանապատվությունը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը,
- 2-ը՝ ՀՀ քրեական օրենսգրքի 104-րդ հոդվածի 1-ին մասի՝ սպանություն՝ ապօրինաբար մեկ ուրիշին դիտավորությամբ կյանքից զրկելը,
- 2-ը՝ ՀՀ քրեական օրենսգրքի 376-րդ հոդվածի 2-րդ մասով՝ ծառայության նկատմամբ պետի կամ պաշտոնատար անձի անփույթ վերաբերմունքը, որն անզգուշությամբ առաջացրել է ծանր հետեւանքներ,
- 3-ը՝ ՀՀ քրեական օրենսգրքի 242-րդ հոդվածի 2-րդ մասի հատկանիշներով՝ ճանապարհային երթուղիների եւ տրանսպորտային միջոցների շահագործման կանոնները խախտելը, որն անզգուշությամբ առաջացրել է մարդու մահ,
- 1 քրեական գործ հարուցվել է ՀՀ քրեական օրենսգրքի 365 հոդվածի 1-ին մասի հատկանիշներով՝ ՀՀ անվտանգության ապահովմանն ուղղված մարտական հերթապահության կամ մարտական ծառայություն կրելու կանոնները խախտելը,
- 1-ը՝ ՀՀ քրեական օրենսգրքի 376-րդ հոդվածի 1-ին մասով՝ ծառայության նկատմամբ պետի կամ պաշտոնատար անձի անփույթ վերաբերմունքը, որը պատճառել է էական վնաս,
- 1-ը՝ ՀՀ քրեական օրենսգրքի 373 հոդվածի 3-րդ մասի հատկանիշներով՝ զենքի հետ վարվելու կանոնները խախտելը, որն անզգուշությամբ առաջացրել է մարդու մահ,
- 1 դեպք՝ ՀՀ քրեական օրենսգրքի 377-րդ հոդվածի 2-րդ մասի հատկանիշներով՝ մարտական, հատուկ կամ տրանսպորտային մեքենաներ վարելու կամ շահագործելու կանոնները խախտելը, որն անզգուշությամբ առաջացրել է մարդու մահ:

Մյուս 12 դեպքերով արդյոք հարուցվել են քրեական գործեր եւ ինչ հողվածներով՝ չի նշվում:

Նկատենք, որ չնայած հակառակորդի կողմից հրադադարի ռեժիմի խախտման հետեւանքով մահացել են 26 հոգի, սակայն դրանցից միայն 15 հոգու դեպքում է նշվում, որ հարուցվել է քրեական գործ *ՀՀ քրեական օրենսգրքի 104-րդ հոդվածի 2-րդ մասի 13-րդ կետի հասկանիչներով*: Մի կողմից, նման որակմամբ քրեական գործի հարուցման համար արդյոք կան բավարար հիմքեր, մյուս կողմից, եթե կան, ապա ինչու մնացած դեպքերում եւ չեն հարուցվել նույն հիմքով քրեական գործեր?

1 պայմանագրային զինծառայողի մահվան առնչությամբ հարուցված քրեական գործի հողվածը ՊՆ-ն դեռեւս չի նշում: Մյուս 10 զինծառայողների մահվան առնչությամբ քրեական գործ հարուցելու վերաբերյալ տեղեկատվություն չի տարածվել:

Ըստ առկա տեղեկատվության՝ հարուցված 32 քրեական գործերը գտնվում են նախաքննության փուլում: Մեկ գործ դատաքննության փուլում է: Այս մասին պաշտոնական տեղեկատվությունը կներկայացվի ավելի ուշ:

46 մահացության դեպքերից պաշտոնական հաղորդագրություն տարածվել է միայն 36-ի մասին: 2014 թ-ի հուլիսի վերջին պաշտպանության բանակում 2 մահացությունների, մասնավորապես՝ կապիտան Արմեն Հայրապետյանի եւ լեյտենանտ Գոռ Գրիգորյանի մահվան փաստերի վերաբերյալ պաշտոնական հաղորդագրություն չի տարածվել: Նշված սպաների մասին մանրամասներ տարածվել են շատ քիչ թվով կայքերում, այն էլ միայն վերջիններիս հետմահու պարգևատրումներ շնորհելու մասին տեղեկացնելու շրջանակներում:

Հուլիս-օգոստոս ամիսներին դիվերսիայի հետեւանքով զոհված զինծառայողների թվի մասին ամփոփ տեղեկատվություն.

Հարկ է նշել, որ ՀՀ նախագահի կողմից հետմահու պարգևատրված զինծառայողների ցանկում, որում ներկայացված են հուլիսի 31-ին եւ օգոստոսի 2-ին հակառակորդի դիվերսիայի հետեւանքով 4 եւ օգոստոսի 4-ին դիպուկահարի կրակոցի հետեւանքով 1 զոհի անուններ, նշված է նաեւ լեյտենանտ Գոռ Գրիգորյանի անունը (Հայրենիքի սահմանների պաշտպանության գործում ցուցաբերած անձնական խիզախության եւ նվիրումի, կյանքին

սպառնացող վտանգի պայմաններում ծառայողական պարտքը անձնագոհաբար կատարելու համար հետմահու պարգևատրել «Մարտական ծառայության» մեդալով)²: Գոռ Գրիգորյանի մահվան վերաբերյալ առանձին հաղորդագրություն ի սկզբանե չի տարածվել: Այսինքն՝ առաջին անգամ Գ. Գրիգորյանի մահվան մասին հանրությունը իմանում է հետմահու պարգևատրված զինծառայողների անունների ցանկից: Մինչդեռ ԼՂ ՊԲ նախարար Մովսես Հակոբյանի կողմից³ Մարտակերտում դիվերսիոն գործողությունները հետ մղելու եւ արժանի հակահարված տալու համար մի շարք զինվորների եւ սպաների պարգևատրման արարողության ժամանակ՝ 2014 թ-ի օգոստոսի 19-ին, հայտարարեց միայն 5 հոգու անուն, որոնցում բացակայում էր Գոռ Գրիգորյանի անունը:

Aravot.am կայքի թղթակցի տեղեկացմամբ՝ ԼՂ ՊԲ մամուլի պատասխանատու **Սենոր Հասրաթյանը, այն հարցին, թե ինչու է Գ. Գրիգորյանի անունը բացակայում պարգևատրվողների ցանկից, պատասխանում է, որ Գ. Գրիգորյանը զոհվել է համաճառայակցի կողմից՝ զենքի օգտագործման կանոնների խախտման արդյունքում՝ հերթապահության ժամանակ**: Լրագրողի հարցին, թե՛ ամեն տեղ գրված է, որ նա դիվերսիայի արդյունքում է զոհվել, Ս. Հասրաթյանը պնդում է, որ ինքը նման տեղեկատվություն չի տարածել եւ չի կարող մյուսների փոխարեն պատասխան տալ, հավելելով, որ դա է իսկությունը:⁵

Այսպիսով, վերը նշված երկու դեպքերը ցույց են տալիս, որ հրադադարի ռեժիմի խախտման դեպքերի ակտիվ փուլում /հուլիս-օգոստոս/ մարտական հերթապահության ընթացքում արձանագրվեցին մահվան դեպքեր, որոնք կապված չէին հրադադարի ռեժիմի խախտման հետ:

Նկատենք, որ ոչ մարտական գործողությունների հետեւանքով 20 մահացության դեպքերից 8-ը վերստին տեղի են ունեցել 2014 թ-ի մայիս-օգոստոս ամիսներին՝ հակառակորդի կողմից հրադադարի ռեժիմի խախտումների ակտիվ փուլում:

Այսինքն՝ նույնիսկ հակառակորդի կողմից ակտիվ ռազմական գործողությունների ժամանակահատվածում պատշաճ մակարդակով չի ապահովվել զինվորական

² <http://www.hayzinvor.am/27607.html> , <http://www.president.am/hy/decrees/item/1224/>

³ <http://www.aravot.am/2014/08/21/490341/>

⁴ <http://www.aravot.am/2014/08/21/490341/>

⁵ Լրագրողի մյուս հարցին, թե՛ ինչու է այդ դեպքում Գոռ Գրիգորյանը ՀՀ նախագահի կողմից պարգևատրվել «Մարտական ծառայության» մեդալով, Ս. Հասրաթյանը պատասխանել է. «Գոռ Գրիգորյանը յոթերորդ պաշտպանական գոտու ամենաբարդ դիրքում է կանգնած եղել, ինքը դիրք էր պահում, մարտական հերթապահության ժամանակ է զոհվել, **հետո ի՞նչ, որ համաճառայակցի կողմից կանոնների խախտման արդյունքում է զոհվել, բայց ինքը սահմանը պահում էր ամենադժվարին պահին, եւ պետությունը գնահատել է**»:

կարգապահության, մարտական հերթապահության կանոնների եւ անվտանգության կանոնների պահանջները:

Գրիշա Խաչատրյանի մահվան վերաբերյալ ԶԼՄ-ներով տարածված տեղեկատվությունը եղել է հակասական:

2014 թ-ի հունիսի 20-ին մահացած զինծառայող **Գրիշա Խաչատրյանի** մահվան փաստի վերաբերյալ տարածվել է հետեւյալ տեղեկատվությունը. եթե սկզբում ՀՀ ՊՆ մամուլի խոսնակ Ա. Հովհաննիսյանը⁶ Գ. Խաչատրյանի մահվան դեպքը ներկայացրեց որպես հրադադրի ռեժիմի խախտման հետեւանք, ապա ՀՀ պաշտպանության նախարար Սեյրան Օհանյանը հայտարարեց, որ Գ. Խաչատրյանը նախնական տվյալներով մահացու վիրավորում ստացել է զենքի օգտագործման կանոնները խախտելու հետեւանքով:

Իսկ արդեն դեպքից մեկ օր անց ՀՀ ՊՆ քննչական ծառայությունը հայտնեց, որ Գրիշա Խաչատրյանի մահվան փաստի առթիվ հարուցվել է քրեական գործ սպանության հիմքով (ՀՀ քրեական օրենսգրքի 104 հոդվածի 1-ին մասի հատկանիշներով):

ԼՂ նախագահի պաշտոնական կայքից տեղեկացել ենք, որ ԼՂ նախագահի նոյեմբերի 27-ի հրամանագրով ԼՂ պաշտպանության բանակի N գորամասի շարքային (պայմանագրային) **Վիտալի Պողոսյանը** հետմահու **պարգևատրվել է «Մարտական ծառայություն»** մեդալով, սակայն նրա մահվան վերաբերյալ մինչ այդ որևէ տեղեկատվություն չէր տարածվել: Հարկ է նշել, որ Բակո Սահակյանի կողմից ստորագրված հրամանագրում միայն նշվում է, որ զինծառայողը պարգևատրվել է «ԼՂ պետական սահմանը պաշտպանելիս ցուցաբերած արիության համար»:⁷

ՀՔԱ Վանաձորի գրասենյակը 2014թ. դեկտեմբերին ՀՀ ՊՆ հասցեագրված հարցմամբ փորձել է պարզել դեպքի մանրամասները: ՀՀ ՊՆ-ից ստացված գրությամբ հայտնվում է, որ զինծառայողի մահվան փաստի կապակցությամբ հարուցվել է քրեական գործ: Իսկ պահանջված տեղեկատվությունն այն մասին, թե երբ է տեղի ունեցել դեպքը, որ թվականին, ՊՆ-ն համարում է գաղտնի տեղեկատվություն:

Այնուամենայնիվ, կազմակերպությանը դեպքի մասին մանրամասներ տրամադրվեց ՀՀ զինվորական դատախազության կողմից՝ 2015թ. հունվարի 27-ին, ի պատասխան 2014 թ. դեկտեմբերին ուղարկված հարցման: Գրությամբ մասնավորապես տեղեկացվել է, որ պայմանագրային զինծառայող Վիտալի Էդիկի Պողոսյանը զոհվել է ադրբեջանական կողմից

⁶ <http://armlur.am/187617/>

⁷ <http://www.president.nkr.am/am/news/lawsOrders/2654/>

արձակված կրակոցից 2014թ. նոյեմբերի 9-ին՝ մարտական դիրքի թիկունքային հատվածում ինժեներական աշխատանքներ կատարելիս: Ջինժառայողը հրագենային վիրավորում է ստացել որովայնի շրջանում, ինչի հետևանքով տեղում մահացել է:

ՀՀ զինդատախազությունից նաև տեղեկացվել է, որ փաստի առթիվ նույն օրը՝ 2014 թ. նոյեմբերի 9-ին ՀՀ քննչական կոմիտեի ՋԲԳՎ առաջին կայազորային քննչական բաժնում հարցուցվել է քրեական գործ՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետով: Նախաքննությունը շարունակվում է:

Ինչ վերաբերում է 2014թ. դեկտեմբերի 21-ին ԼՂ-ում մահացած ժամկետային զինժառայող Դավիթ Քոլոյանի մահվան պատճառին, ապա ի սկզբանե նշվեց, որ նա մահացել է նռնակի պայթյունից: Դեպքից 3 օր անց ՀՀ քննչական կոմիտեի լրատվական ծառայությունը տարածեց տեղեկատվության այն մասին, որ 2014թ. դեկտեմբերի 22-ին հարուցվել է քրեական գործ ՀՀ քրեական օրենսգրքի 110-րդ հոդվածի 1-ին մասով (*ինքնասպանության փորձի հասցնելը*):


Ստորև ներկայացվում են 2014 թ-ի ընթացքում մահացության դեպքերի վիճակագրական տվյալները եւ դեպքերի վերաբերյալ ամփոփ տեղեկատվությունը:

2014 թ. մահացությունների պատճառը/հետեւանքը

Աղյուսակ 1.

Ամիս	Հրագրագրի ոեժիմի խախտում	Զենքի հետ վարվելու կանոնների խախտում	Ինքնա սպանություն	Սպանություն		Մարտական ծառայություն կրելու կանոնների խախտում	Դժբախտ պատահար	Առողջակա ն խնդիրներ	Միջադեպերի քանակը	Ընդամենը	Պաշտոնական հաղորդագրու թյան առկայություն
				Դիտավորյալ	Զենքի հետ վարվելու կանոնների խախտում						
<i>Հունվար</i>	2							2	4	4	3
<i>Փետրվար</i>							1	1	2	2	0
<i>Մարտ</i>	2					1	2		5	5	4
<i>Ապրիլ</i>							1		1	1	0
<i>Մայիս</i>	3				1	1			5	5	3
<i>Հունիս</i>	4			1		1			5	6	6
<i>Հուլիս</i>	5	1		1					7	8	6
<i>Օգոստոս</i>	3				1		1		4	4	4
<i>Սեպտեմբեր</i>	1		1				1		3	3	3
<i>Հոկտեմբեր</i>	1								1	1	1
<i>Նոյեմբեր</i>	4								2	4	3
<i>Դեկտեմբեր</i>	1		2						3	3	3
<i>Ընդամենը</i>	26	1	3	2	2	3	6	3	42	46	36

Գծապատկեր 2.



Մահացության դեպքերի ամփոփ տեղեկատվություն

Աղյուսակ 2.

h/h	Անուն ազգանուն	Դեպքի տարեթիվը	Դեպքի տարած աշրջան	Դեպքի վայրը (քաղաք, գյուղ, հոսպիտալ, ճանապարհահատված...)	Ջորամասը	Տեղեկատվության տարածման առաջնային աղբյուրը	Քրեական գործ հարուցող մարմինը	Քրեական գործի պաշտոնական որակումը	Դեպքի պատճառը	Որ փուլում է գտնվում գործը
1	Հայկ Մակարյան	15.01.2014	ԼՂ	ՊԲ հյուսիսային ուղղությամբ տեղակայված զորամասերից մեկը	ՊԲ հյուսիսային ուղղությամբ տեղակայված զորամասերից մեկը	Պաշտոնական	ՀՀ ՊՆ քննչական ծառայություն	ՀՀ քր. օր.-ի 376 հոդվածի 1-ին մասի հատկանիշներով՝ ծառայության նկատմամբ պետի կամ պաշտոնատար անձի անփույթ վերաբերմունքը, որը պատճառել է էական վնաս	Առողջական խնդիրներ	Նախաքննություն
2	Արմեն Հովհաննիսյան	20.01.2014	ԼՂ	Ղարաբաղաադրբեջանական հակամարտ գործերի շփման գծի հյուսիսարևելյան (Ջրաբերդ) եւ հարավարևելյան (Կորգան) ուղղություններ		Պաշտոնական			Հրադադարի ռեժիմի խախտում/ Դիվերսիոն հարձակում	
3	Էդիկ Շահնագարյան	20.01.2014	ՀՀ	Վաղարշապատի հիվանդանոց		Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 376 հոդվածի 2-րդ մասի հատկանիշներով՝ ծառայության նկատմամբ պետի կամ պաշտոնատար անձի անփույթ վերաբերմունքը, որն անզուգույնությամբ առաջացրել է ծանր հետեւանքներ	Առողջական խնդիրներ	Նախաքննություն
4	Գարեն Գալստյան	28.01.2014	ԼՂ	ՊԲ հյուսիսային ուղղությամբ (Մարտակերտի տարածք) տեղակայված զորամասի պահպանության տեղամասի մարտական դիրք	Մարտակերտի զորամասերից մեկի պահպանության տեղամասը	Պաշտոնական	ՀՀ ՊՆ քննչական ծառայություն	ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնականատեղության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն

5	Արշակ Զաքայան	12.02.2014	ՀՀ	Մուրացանի հոսպիտալ/«Արաբկիր» բժշկական կենտրոն	Արարատի գործառնաբանական մեկը	Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 376 հոդվածի 2-րդ մասի հատկանիշներով՝ ծառայության նկատմամբ պետի կամ պաշտոնատար անձի անփութ վերաբերմունքը, որն անզգուշությամբ առաջացրել է ծանր հետեւանքներ	Առողջական /սուր թոքաբորբ/	Նախաքննություն
6	Գրիգորի Վարդանյան (պայմանագրային զինծառայող, ՀՀ-ում ՌԴ գործառնաբան)	26.02.2014	ՀՀ	Ստեփանավան-Լոռիբերդ ավտոճանապարհի 2-րդ կմ հատված	ՀՀ-ում ՌԴ գործառնաբան	Ոչ պաշտոնական	Լոռու մարզի քննչական բաժնի Ստեփանավանի քննչական բաժանմունք	ՀՀ քր. օր. -ի 242 հոդվածի 2-րդ մասի հատկանիշներով՝ ավտոմեքենա կամ մեխանիկական այլ տրանսպորտային միջոց վարող անձի կողմից ճանապարհային երթուկության եւ տրանսպորտային միջոցների շահագործման կանոնները խախտելը, որն անզգուշությամբ առաջացրել է մարդու մահ	Դժբախտ պատահար /ավտովթար/	Նախաքննություն
7	Եսայի Եսայան (պայմանագրային զինծառայող)	08.03.2014	ՀՀ	Երեւան-Աշտարակ ճանապարհին Քասախ ցյուղի մոտ	Երեւանամերձ գործառնաբանական մեկը	Ոչ պաշտոնական		ՀՀ քր. օր. -ի 242-րդ հոդվածի 2-րդ մասի հատկանիշներ՝ ճանապարհային երթուկության եւ տրանսպորտային միջոցների շահագործման կանոնները խախտելը, որն անզգուշությամբ առաջացրել է մարդու մահ	Դժբախտ պատահար /ավտովթար/	Նախաքննություն
8	Արման Ղուկասյան	19.03.2014	ԼՂ	Մարտակերտի մարտական դիրքեր	Մարտակեր տի գործառնաբանական մեկը	Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 365-րդ հոդվածի 3- րդ մասի հատկանիշներով մարտական հերթապահության կամ մարտական ծառայություն կրելու կանոնները խախտելը (մարտական հերթապահություն կամ մարտական ծառայություն կրելու կանոնների նկատմամբ անփութ կամ անբարեխիղճ վերաբերմունքը), որն առաջացրել է ծանր հետեւանքներ	Մարտական հերթապահու թյուն կամ մարտական ծառայություն կրելու կանոնների խախտում	Նախաքննություն

9	Գառնիկ Թորոսյան	24.03.2014	ԼՂ	Ղարաբաղաադրբեջանական հակամարտ գորքերի շփման գծի արևելյան ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական	ՀՀ ՊՆ քննչական ծառայություն	ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն
10	Արայիկ Բաբայան	27.03.2014	ԼՂ	Ղարաբաղաադրբեջանական հակամարտ գորքերի շփման գծի արևելյան ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական	ՀՀ ՊՆ քննչական ծառայություն	ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն
11	Հարություն Սաֆարյան (Ավագ լեյտենանտ)	31.03.2014	ԼՂ	Ղարաբաղաադրբեջանական հակամարտ գորքերի շփման գծի հարավային ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական			Դժբախտ պատահար /նախնական տվյալներ՝ ականի պայթյունի հետևանքով/	
12	Հովհաննես Հովհաննիսյան (Գնդապետ)	26.04.2014	ՀՀ	Երեւան-Սեւան ավտոճանապարհ		Ոչ պաշտոնական		ՀՀ քր. օր-ի 242-րդ հոդվածի 2-րդ մասի հատկանիշներով՝ ճանապարհային երթուղիների եւ տրանսպորտային միջոցների շահագործման կանոնները խախտելը, որն անզուգույնությամբ առաջացրել է մարդու մահ	Դժբախտ պատահար /ավտովթար/	Նախաքննություն
13	Ներսես Կարապետյան	10.05.2014	ՀՀ	Տավուշի մարզի ք. Իջեւանի գորամասերից մեկ	Իջեւանի գորամասերից մեկը	Ոչ պաշտոնական		ՀՀ քր. օր-ի 365-րդ հոդվածի 3-րդ մասի հատկանիշներով՝ մարտական հերթապահություն կամ մարտական ծառայություն կրելու կանոնները խախտելը որն առաջացրել է ծանր հետևանքներ	Մարտական հերթապահություն կամ մարտական ծառայություն կրելու կանոնների խախտում	Նախաքննություն

14	Մերուժան Հարությունյան (Ավագ լեյտենանտ)	11.05.2014	ՀՀ	Վայոց ձորի մարզի Արենի գյուղի մոտակայք	Վայոց Ձորի մարզի Վայքի գորամաս	Ոչ պաշտոնական		ՀՀ քր. օր-ի 365-րդ հոդվածի 1-ին մասի հատկանիշներով՝ ՀՀ անվտանգության ապահովմանն ուղղված մարտական հերթապահության կամ մարտական ծառայություն կրելու կանոնները խախտելը	Մարտական հերթապահու թյուն կամ մարտական ծառայություն կրելու կանոնների խախտում	Նախաքննություն
15	Արթուր Օհանջանյան	20.05.2014	ԼՂ	Ղարաբաղաադրբեջանա կան հակամարտ գորքերի շփման գծի հարավային ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ոեժիմի խախտում	Նախաքննություն
16	Գարիկ Բալայան (Փոխգնդապետ)	25.05.2014	ԼՂ	Ղարաբաղաադրբեջանա կան հակամարտ գորքերի շփման գծի հարավային (Ֆիզուլի) ուղղությամբ տեղակայված գորամասերից մեկի պահպանության տեղամասի մարտական հենակետ		Ոչ պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ոեժիմի խախտում	Նախաքննություն
17	Էրիկ Գասպարյան	28.05.2014	ԼՂ	Ղարաբաղաադրբեջանա կան հակամարտ գորքերի շփման գծի հարավային ուղղությամբ		Պաշտոնական			Հրադադարի ոեժիմի խախտում/ Դիվերսիոն հարձակում	
18	Անդրանիկ Եղոյան (պայմանագրային զինծառայող)	05.06.2014	ՀՀ	Հայ-ադրբեջանական սահմանագոտու հարավ- արեւմտյան ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ոեժիմի խախտում	Նախաքննություն

19	Բորիս Գասպարյան (պայմանագրային զինծառայող)	05.06.2014	ՀՀ	Հայ-ադրբեջանական սահմանագոտու հարավ-արևմտյան ուղղությամբ տեղակայված գործամասերից մեկի պահպանության տեղամասի մարտական հենակետ		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն
20	Դերենիկ Մանուկյան	11.06.2014	ԼՂ	ՊԲ հյուսիսային (Գյուլիստան) ուղղությամբ տեղակայված գործամասերից մեկի պահպանության տեղամասի մարտական հենակետ	«Եղնիկներ» գործամաս	Պաշտոնական	ՀՀ ՊՆ քննչական ծառայություն	ՀՀ քր. օր-ի 373-րդ հոդվածի 3-րդ մասի հատկանիշներով՝ զենքի հետ վարվելու կանոնները խախտելը, որն անզգուշությամբ առաջացրել է մարդու մահ	Սպանություն /Չենքի հետ վարվելու կանոնների խախտում/	Նախաքննություն
21	Նարեկ Պողոսյան (պայմանագրային զինծառայող)	20.06.2014	ՀՀ	Հայ-ադրբեջանական սահմանագոտու հարավ-արևմտյան ուղղությամբ տեղակայված գործամասերից մեկի պահպանության տեղամասի մարտական հենակետ		Պաշտոնական			Հրադադարի ռեժիմի խախտում/ Դիվերսիոն հարձակում	
22	Գրիշա Խաչատրյան	20.06.2014	ՀՀ	Արարատի մարզի ք. Արարատի գործամասերից մեկը		Պաշտոնական	ՀՀ ՊՆ քննչական ծառայություն	ՀՀ քր. օր-ի 104-րդ հոդվածի 1-ին մասի հատկանիշներով՝ սպանություն՝ ապօրինաբար մեկ ուրիշին դիտավորությամբ կյանքից զրկելը	Սպանություն /դիտավորյալ/	Դատաքննություն
23	Արմեն Ավետիսյան	24.06.2014	ԼՂ	Ղարաբաղադրբեջանական հակամարտ գորքերի շփման գծի արևելյան ուղղությամբ տեղակայված գործամասերից մեկի պահպանության տեղամասի մարտական հենակետ		Պաշտոնական	ՀՀ ՊՆ քննչական ծառայություն	ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն

24	Մովսես Գասպարյան	11.07.2014	ԼՂ	Ղարաբաղաադրբեջանա կան հակամարտ գորքերի շփման գծի հարավ- արևելյան ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ոեժիմի խախտում	Նախաքննություն
25	Սարգիս Աբրահամյան (Մայր)	12.07.2014	ԼՂ	Քարավաճառի տարածք		Պաշտոնական			Հրադադարի ոեժիմի խախտում/ Դիվերսիոն հարձակում	
26	Գեորգ Ավագյան	18.07.2014	ԼՂ	ՊԲ հարավային ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական	ՀՀ ՊՆ քննչական ծառայություն	ՀՀ քր. օր-ի 104-րդ հոդվածի 1-ին մասի հատկանիշներով՝ սպանություն՝ ապօրինաբար մեկ ուրիշին դիտավորությամբ կյանքից զրկելը	Սպանություն /դիտավորյալ/	Նախաքննություն
27	Խաչատուր Բադալյան	26.07.2014	ԼՂ	Մարտակերտի շրջանի պաշտպանական դիրքեր		Պաշտոնական			Հրադադարի ոեժիմի խախտում/ Դիվերսիոն հարձակում	
28	Արմեն Հայրապետյան (Կապիտան)	29.07.2014	ԼՂ	ԼՂ, 9-րդ պաշտպանական շրջան		Ոչ պաշտոնական			Դժբախտ պատահար /ականի պայթյունի հետևանքով/	

29	Արարատ Խանյան	31.07.2014	ԼՂ	ԼՂ հյուսիսային հատվածում մարտական հերթապահություն իրականացնող զորամասերից մեկի պահպանության տեղամաս		Պաշտոնական			Հրադադարի ռեժիմի խախտում/ Դիվերսիոն հարձակում	
30	Ազատ/Աշոտ՝ նախնական տվյալներում/ Ասոյան	31.07.2014	ԼՂ	ԼՂ հյուսիսային հատվածում մարտական հերթապահություն իրականացնող զորամասերից մեկի պահպանության տեղամաս		Պաշտոնական			Հրադադարի ռեժիմի խախտում/ Դիվերսիոն հարձակում	
31	Գոռ Գրիգորյան (Լեյտենանտ)	31.07.2014	ԼՂ	ԼՂ հյուսիսային հատվածի զորամասերից մեկի պահպանության տեղամասի մարտական հենակետ		Պաշտոնական			Զենքի հետ վարվելու կանոնների խախտում	
32	Զորիկ Գեորգյան (Ավագ լետենանտ)	02.08.2014	ԼՂ	ԼՂ Մարտակերտի ուղղությամբ տեղակայված զորամասերից մեկի պահպանության տեղամասի մարտական հենակետ	Մարտակերտի զորամասերից մեկի պահպանության տեղամաս	Պաշտոնական			Հրադադարի ռեժիմի խախտում/ Դիվերսիոն հարձակում	
33	Սարգիս Մովսիսյան	02.08.2014	ԼՂ	ԼՂ Ասկերանի ուղղությամբ տեղակայված զորամասերից մեկի պահպանության տեղամասի մարտական հենակետ		Պաշտոնական			Հրադադարի ռեժիմի խախտում/ Դիվերսիոն հարձակում	
34	Արամ Գրիգորյան (պայմանագրային զինծառայող)	04.08.2014	ԼՂ	Քարավաճառի տարածք		Ոչ պաշտոնական			Հրադադարի ռեժիմի խախտում	

35	Վլադիմիր Հայրապետյան	28.08.2014	ՀՀ	ՀՀ ՊՆ N գորամասի մարտական դիրքերից մեկը		Պաշտոնական		ՀՀ քր. օր-ի 365-րդ հոդվածի 3- րդ մասի հատկանիշներով՝ մարտակա ն հերթապահություն կամ մարտական ծառայություն կրելու կանոնները խախտելը որն առաջացրել է ծանր հետևանքներ	Սպանություն /Մարտական հերթապահու թյուն կամ մարտական ծառայություն կրելու կանոնների խախտում/	Նախաքննություն
36	Սամվել Հարությունյան	08.09.2014	ՀՀ			Պաշտոնական		ՀՀ քր. օր-ի 110-րդ հոդվածի 1-ին մասի հատկանիշներով՝ սպառնալիքի, դաժան վերաբերմունքի կամ անձնական արժանապատվությունը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը	Ինքնասպանու թյան հասցնել	Նախաքննություն
37	Մհեր Հակոբյան (Ավագ լեյտենանտ)	18.09.2014	ԼՂ	Ղարաբաղահայրենասեր կան հակամարտ գործերի շփման գծի հարավային ուղղությամբ տեղակայված գորամասերից մեկի պահպանության տեղամասի մարտական հենակետ		Պաշտոնական	ՀՀ քննչական կոմիտեի զինվորական քննչական գլխավոր վարչություն	ՀՀ քր. օր-ի 104-րդ հոդվածի 2- րդ մասի 13-րդ կետի հատկանիշներ՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն
38	Պավլիկ Մանուկյան (Կապտիան)	19.09.2014	ՀՀ	Տավուշի մարզի Արծվաբերդ գյուղի մոտակայքի ճանապարհ		Պաշտոնական	ՀՀ քննչական կոմիտեի զինվորական քննչական գլխավոր վարչություն	ՀՀ քր. օր.-ի 377-րդ հոդվածի 2-րդ մասի հատկանիշներ՝ մարտական, հատուկ կամ տրանսպորտային մեքենաներ վարելու կամ շահագործելու կանոնները խախտելը, որն անզգուշությամբ առաջացրել է մարդու մահ	Դժբախտ պատահար /ավտովթար/	Նախաքննություն

39	Դավիթ Նավասարդյան	02.10.2014	ԼՂ			Պաշտոնական	ՀՀ քննչական կոմիտեի զինվորական քննչական գլխավոր վարչություն	ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներ՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն
40	Սերգեյ Սահակյան (մայոր)	12.11.2014	ԼՂ	Ղարաբաղադրբեջանակա ն սահմանի արևելյան հատվածի օդային տարածք		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներ՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով, ՀՀ քր. օր-ի 185-րդ հոդված՝ գույքը դիտավորությամբ ոչնչացնելը կամ վնասելը	Հրադադարի ռեժիմի խախտում	Նախաքննություն
41	Ազատ Սահակյան (լեյտենանտ)	12.11.2014	ԼՂ	Ղարաբաղադրբեջանակա ն սահմանի արևելյան հատվածի օդային տարածք		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներ՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով, ՀՀ քր. օր-ի 185-րդ հոդված՝ գույքը դիտավորությամբ ոչնչացնելը կամ վնասելը	Հրադադարի ռեժիմի խախտում	Նախաքննություն
42	Սարգիս Նազարյան (ավագ լեյտենանտ)	12.11.2014	ԼՂ	Ղարաբաղադրբեջանակա ն սահմանի արևելյան հատվածի օդային տարածք		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներ՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով, ՀՀ քր. օր-ի 185-րդ հոդված՝ գույքը դիտավորությամբ ոչնչացնելը կամ վնասելը	Հրադադարի ռեժիմի խախտում	Նախաքննություն

43	Վիտալիկ Պողոսյան (Պայմանագրային զինծառայող)	27.11.2014	ԼՂ			Տեղեկատվություն չի տարածվել		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներ՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում	Նախաքննություն
44	Արթուր Մարգարյան	04.12.2014	ԼՂ			Պաշտոնական	ՀՀ քննչական կոմիտեի զինվորական քննչական գլխավոր վարչություն	ՀՀ քր. օր-ի 110-րդ հոդվածի 1-ին մաս՝ սպառնալիքի, դաժան վերաբերմունքի կամ անձնական արժանապատվությունը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը	Ինքնասպանության հասցնել	Նախաքննություն
45	Գարիկ Իսպիրյան	08.12.2014	ԼՂ	Ղարաբաղադրբեջանական հակամարտ գորքերի շփման գծի արևելյան ուղղությամբ տեղակայված զորամասերից մեկ		Պաշտոնական		ՀՀ քր. օր-ի 104-րդ հոդվածի 2-րդ մասի 13-րդ կետի հատկանիշներ՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով	Հրադադարի ռեժիմի խախտում/ Դիվերսիոն հարձակում	Նախաքննություն
46	Դավիթ Քոլոյան	21.12.2014	ԼՂ	ՊԲ արևելյան ուղղությամբ տեղակայված զորամասերից մեկի պահպանության տեղամասի մարտական հենակետ		Պաշտոնական		ՀՀ քր. օր-ի 110-րդ հոդվածի 1-ին մաս՝ սպառնալիքի, դաժան վերաբերմունքի կամ անձնական արժանապատվությունը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը	Ինքնասպանության հասցնել	Նախաքննություն

2014 թ. ԶԻՆՎԱԾ ՈՒԺԵՐՈՒՄ ԶԻՆԾԱՌԱՅՈՂՆԵՐԻ
ՄԱՀԱՑՈՒԹՅԱՆ ԴԵՊՔԵՐԻ ՆԿԱՐԱԳՐՈՒԹՅՈՒՆԸ

Ա. Հրադադարի ռեժիմի խախտում

1. Կարեն Գազիկի Գալստյան

ԼՂ ՊԲ մամուլի ծառայության հաղորդմամբ՝ 2014 թ-ի հունվարի 28-ին հյուսիսային ուղղությամբ տեղակայված զորամասերից մեկի պահպանության տեղամասի մարտական դիրքում հակառակորդի դիպուկահարի կողմից արձակված գնդակից գլխի հասվածում մահացու հրազենային վիրավորում է ստացել 1994 թ. ծնված զինծառայող Կարեն Գազիկի Գալստյանը: Կարեն Գալստյանի մահվան դեպքի առթիվ հարուցվել է քրեական գործ՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնականատեղության կամ կրոնական մոլեռանդության շարժառիթով:

20-ամյա Կարենը զորակոչվել էր զինծառայության Սիսիանից եւ գարնանը պիտի տուն վերադառնար: Ըստ լրատվամիջոցների կողմից տարածված տեղեկատվության՝ Կարենի ընտանիքն ապրում է սոցիալապես ծանր պայմաններում:⁸

News.am-ի հետ զրույցում Կարենի եղբայրը՝ Բաբիկ Գալստյանը, պատմել է, որ ինքը խոսել է Կարենի հետ դեպքի նախորդ օրը եւ հավաստում է, որ Կարենի տրամադրությունը բարձր էր, քանի որ մոտ 4 ամիս էր մնում ծառայության ավարտին:

Հարազատների խոսքով՝ Կարենը սիրում էր զինվորական համազգեստը եւ մտադրություն ուներ պարտադիր զինծառայությունն ավարտելուց հետո անցնել հիմնական զինվորական ծառայության:

Ըստ vorotan.am-ին⁹ Կարենի քրոջ պատմածի՝ Կարենը շատ ծանր է տարել մարտական դիրքերում հակառակորդի դիվերսիայի հետեւանքով հերոսաբար զոհված Արմեն Հովհաննիսյանի մահը, եւ միաժամանակ հպարտացել է նրանով: Հենց այդ է եղել պատճառը, որ նա հրաժարվել է այդ ժամանակահատվածում իրեն տրամադրված 12-օրյա

⁸ http://henaran.am/news_view.php?post_id=35245

⁹ <http://vorotan.am/կարենը-շատ-էր-սիրում-զինվորական-համազ/>

արձակուրդից, պատճառաբանելով, որ չի կարող գնալ տուն հասգստանալ, երբ այնտեղ հերոսաբար զինվոր է մահացել:

Նրա աճյունը ամփոփվել է Սիսիանի զոհված ազատամարտիկների պանթեոնում:

ԼՂ նախագահ Բակո Սահակյանի հունվարի 30-ին հրամանագրով, ԼՂ պետական սահմանը պաշտպանելիս ցուցաբերած արիության համար, ԼՂ պաշտպանության բանակի շարքային Կարեն Գալստյանը հետմահու պարգևատրվել է «Մարտական ծառայություն» մեդալով¹⁰:

2. Գառնիկ Վահանի Թորոսյան

2014 թ-ի մարտի 24-ին՝ ժամը 09:50-ի սահմանում, ղարաբաղաադրբեջանական հակամարտ զորքերի շփման գծի արեւելյան ուղղությամբ տեղակայված զորամասերից մեկի պահպանության տեղամասի մարտական հենակետում մարտական առաջադրանք կատարելու ժամանակ մահացու հրազենային գնդակային վիրավորում է ստացել զինծառայող, 1992 թ. ծնված Գառնիկ Վահանի Թորոսյանը:¹¹

Ըստ պաշտոնական տեղեկատվության՝ Գառնիկ Թորոսյանի մահվան փաստի առթիվ հարուցվել է քրեական գործ ՀՀ քրեական օրենսգրքի 104-րդ հոդվածի 2-րդ մասի 13-րդ կետի հատկանիշներով՝ սպանություն ազգային, ռասայական կամ կրոնական ատելության կամ կրոնական մոլեռանդության շարժառիթով: Միջադեպի մանրամասները պարզելու համար կատարվում է քննություն:¹²

ԳԱԼԱ-ի փոխանցմամբ՝ հրամանատարական կազմից զինծառայողի հարազատներին փոխանցել են, որ տեղի ունեցածը անզուշտության հետեւանք է. Գառնիկը գտնվել է հակառակորդի համար տեսանելի վայրում, ծառայակիցները հորդորել են նրան շատ արագ վերադառնալ, սակայն նա չի հասցրել:

«Ասում են, որ էնտեղ ինչ-որ հատված կա, որ չի թույլատրվում զինվոր դուրս գա եղտեղ, բարձրացել է եղ տեղը, գոռացել են, թե չի կարելի, հետ արի, ասել է, թե հիմա կգամ, ու կրակել են», - պատմել է գյուղապետ Գոռ Պետրոսյանը:¹³

¹⁰ <http://www.kentron.tv/index.php/am/news/item/3288-news-3101.html>

¹¹ <http://nkrmil.am/main/am/newsMore672.html>

¹² <http://www.pastinfo.am/hy/node/36604>

¹³ http://www.lin.am/arm/armenia_society_260463.html

Զինվորը Նահապետավան գյուղից էր (Շիրակի մարզ): Զորակոչվել էր Արթիկի զինկոմիսարիատից:

3. Արայիկ Ռոմիկի Բաբայան

2014 թ-ի մարտի 27-ին՝ ժամը 13:10-ի սահմանում, ղարաբաղաադրբեջանական հակամարտ գորքերի շփման գծի արևելյան ուղղությամբ տեղակայված զորամասերից մեկի /Մարտունի/ պահպանության տեղամասի մարտական հենակետում՝ մարտական առաջադրանք կատարելու ժամանակ մահացու հրազենային գնդակային վիրավորում է ստացել զինծառայող, 1995թ. ծնված Արայիկ Ռոմիկի Բաբայանը:¹⁴

Մահվան փաստի առթիվ հարուցվել է քրեական գործ՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով: Միջադեպի մանրամասները պարզելու համար տարվում է քննություն:

Ըստ SHAMSHYAN.com-ի նախնական տվյալների՝ Ա. Բաբայանը ԼՂ Ստեփանակերտ քաղաքի բնակիչ էր: Նա զորակոչվել էր զինծառայության 2013թ. գարնանը:

4. Արթուր Մեյրանի Օհանջանյան

ԼՂ ՊԲ տեղեկացմամբ՝ 2014 թ-ի մայիսի 20-ին ղարաբաղաադրբեջանական հակամարտ գորքերի շփման գծի հարավային ուղղությամբ տեղակայված զորամասերից մեկի պահպանության տեղամասի մարտական հենակետում հակառակորդի կողմից արձակված գնդակից մահացու հրազենային վիրավորում է ստացել զինծառայող, 1994 թ. ծնված Արթուր Մեյրանի Օհանջանյանը:¹⁵

News.am-ին ՀՀ ՊՆ քննչական հայտնել են, որ մահվան առիթով հարուցվել է քրեական գործ ՀՀ քրեական օրենսգրքի 104-րդ հոդվածի 2-րդ մասի 13-րդ կետի հատկանիշներով՝ սպանությունը ազգային, ռասայական կամ կրոնական ատելության կամ կրոնական մոլեռանդության շարժառիթով:¹⁶

¹⁴ <http://nkrmil.am/main/am/newsMore674.html>

¹⁵ <http://nkrmil.am/main/am/newsMore700.html>

¹⁶ <http://news.am/arm/news/210503.html>

Արթուր Մեյրանի Օհանջանյանը հետմահու պարգևատրվել է «Մարտական ծառայություն» մեդալով:

Արթուրը Սյունիքի մարզի Բոնակոթ գյուղից էր¹⁷:

5. Գարիկ Էդիսոնի Բալայան (փոխգնդապետ)

Հայ-ադրբեջանական հակամարտ զորքերի առաջնագծի հարավային` (Ֆիզուլի) ուղղությամբ տեղակայված զորամասերից մեկի պահպանության տեղամասի մարտական հենակետում 2014 թ-ի մայիսի 25-ին հակառակորդի դիպուկահարից զոհվել է փոխգնդապետ Գարիկ Էդիսոնի Բալայանը:¹⁸

«Փաստինֆո»-ին ՀՀ ՊՆ քննչական ծառայությունից հայտնել են, որ մահվան փաստի առթիվ հարուցվել է քրեական գործ` ՀՀ քրեական օրենսգրքի 104-րդ հոդվածի 2-րդ մասի 13-րդ կետի հատկանիշներով` սպանություն` ազգային, ռասայական կամ կրոնական ատելության կամ կրոնական մոլեռանդության շարժառիթով:¹⁹

Նույն` Ֆիզուլի հենակետում 2014թ. մայիսի 26-ին հակառակորդի կողմից արձակված գնդակից ձեռքի միջին ծանրության հրազենային վիրավորում է ստացել զինծառայող Աշոտ Ալիկի Գրիգորյանը: Փաստի առթիվ հարուցվել է քրեական գործ ՀՀ քրեական օրենսգրքի 34-104-րդ հոդվածի 2-րդ մասի 13-րդ կետով (սպանության փորձը` ազգային, ռասայական կամ կրոնական ատելության կամ կրոնական մոլեռանդության շարժառիթով):

Փոխգնդապետ Գարիկ Բալայանը հետմահու պարգևատրվել է «Արիության համար» մեդալով²⁰:

6. Անդրանիկ Սամվելի Եդոյան (պայմանագրային զինծառայող)

7. Բորիս Բենիկի Գասպարյան (պայմանագրային զինծառայող)

ՀՀ ՊՆ մամուլի ծառայությունից ստացված տեղեկության համաձայն` 2014 թ-ի հունիսի 5-ին, հայ-ադրբեջանական սահմանագոտու հարավ-արևմտյան ուղղությամբ տեղակայված զորամասերից մեկի պահպանության տեղամասի մարտական հենակետում

¹⁷ <http://www.youtube.com/watch?v=Pl-xmkWHyGg>

¹⁸ <http://nkrmil.am/main/am/newsMore705.html>

¹⁹ <http://pastinfo.am/hy/node/42249>

²⁰ <http://razm.info/46286>

հակառակորդի կողմից արձակված կրակոցից մահացու հրազենային գնդակային վիրավորում են ստացել պայմանագրային զինծառայողներ 1988 թ-ին ծնված Անդրանիկ Մամվելի Եղոյանը եւ 1992 թ-ին ծնված Բորիս Բենիկի Գասպարյանը։²¹

Զինծառայողների մահվան փաստով քրեական գործ է հարուցվել ՀՀ քրեական օրենսգրքի 104 հոդվածի 2-րդ մասի 13 կետով՝ սպանություն ազգային, ռասայական, կամ կրոնական ատելության, կամ կրոնական մոլեռանդության շարժառիթով։²²

Անդրանիկը Արարատ քաղաքից էր։ lin.am-ին²³ Անդրանիկի հորեղբոր որդու՝ Աշոտ Եղոյանի պատմելով՝ առավոտից դիպուկարահարը անդադար կրակել է։ «Երբ հնարավոր եղավ Անդրանիկին իջեցնել, դեռ զարկերակը կար, խփում էր, կար, ինքը էլ չէր խոսում, աչքերն էլ բաց էին», ասել է Աշոտը, հավելելով, որ նա հենակետում չի եղել, հենակետի ավագի օգնական է եղել։ Երբ դուրս է եկել գուգարանից, կրակել են։

Անդրանիկի հարազատ եղբայրն էլ նշեց, որ այդ կողմի ամենավտանգավոր հենակետն է եւ «Գազան պոստ» է կոչվում։

8. Արմեն Արթուրի Ավետիսյան

ԼՂ ՊԲ մամուլի ծառայության փոխանցմամբ՝ 2014 թ-ի հունիսի 24-ին դարաբաղաադրբեջանական հակամարտ գորքերի շփման գծի արեւելյան ուղղությամբ տեղակայված գորամասերից մեկի պահպանության տեղամասի մարտական հենակետում հակառակորդի գնդակից մահացու վիրավորում է ստացել զինծառայող, 1995 թ-ին ծնված Արմեն Արթուրի Ավետիսյանը։²⁴

Ըստ shamshyan.com-ին²⁵ ՀՀ ՊՆ քննչական ծառայությունից հայտնած տեղեկատվության՝ զինվորի մահվան փաստի առթիվ հարուցվել է քրեական գործ ՀՀ քրեական օրենսգրքի 104-րդ հոդվածի 2-րդ մասի 13-րդ կետի հատկանիշներով՝ սպանություն՝ ազգային, ռասայական կամ կրոնական ատելության կամ կրոնական մոլեռանդության շարժառիթով։

²¹ <http://www.mil.am/1401970845>

²² <http://armlur.am/179497/>

²³ <http://www.lin.am/1318783.html>

²⁴ <http://nkrmil.am/main/am/newsMore719.html>

²⁵ <http://shamshyan.com/hy/article/18823/>

Մահացած զինծառայողը Գեղարքունիքի մարզի Նորատուս գյուղից էր: lin.am-ին նրա ընկերները պատմել են, որ նա սոցիալապես անապահով ընտանիքից էր, գյուղացիներն են միշտ օգնել՝ ով ինչով կարողացել է:²⁶

Արմեն Ավետիսյանը հետմահու պարգևատրվել է «Մարտական ծառայություն» մեդալով:

9. Մովսես Նորայրի Գասպարյան

ԼՂ ՊԲ մամուլի ծառայության տեղեկացմամբ՝ 2014 թ-ի հուլիսի 11-ին ժամը 15:00-ի սահմաններում ղարաբաղաադրբեջանական հակամարտ գորքերի շփման գծի հարավարևելյան ուղղությամբ տեղակայված զորամասերից մեկի պահպանության տեղամասի մարտական հենակետում ադրբեջանական կողմից հրազենային գնդակային մահացու վիրավորում է ստացել զինծառայող, 1994 թ. ծնված Մովսես Նորայրի Գասպարյանը:

Զինծառայողի մահվան փաստի առթիվ հարուցվել է քրեական գործ՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետով (ազգային, ռասայական կամ կրոնական ստեղծության կամ կրոնական մոլեռանդության շարժառիթով)²⁷:

News.am-ի տվյալների համաձայն՝ Մովսեսն ընտանիքի հետ բնակվում էր Ռուսաստանի Տյումեն քաղաքում, Հայաստան էր եկել՝ ծառայելու համար:

Հարեւանների խոսքերով՝ Մովսեսի եղբայրը մի քանի ամիս առաջ էր զորացրվել, նույն զորամասում է ծառայել, ինչ եղբայրը: Մովսեսը դեպքից օրեր առաջ արձակուրդ է եկել, օրերն էր հաշվում, թե երբ է զորացրվելու:

Ժամկետային զինծառայողը ԼՂ նախագահ Բակո Սահակյանի կողմից հետմահու պարգևատրվել է «Մարտական ծառայության» մեդալով²⁸:

10. Արամ Մկրտիչի Գրիգորյան (պայմանագրային զինծառայող)

News.am լրատվական կայքի փոխանցմամբ Քարվաճառի շրջանում 2014 թ-ի օգոստոսի 4-ին զոհվել է պայմանագրային զինծառայող Արամ Գրիգորյանը²⁹:

²⁶ <http://shamshyan.com/hy/article/18823/>

²⁷ <http://armtur.am/199575/>

²⁸ <http://www.president.nkr.am/am/news/lawsOrders/2504/>

²⁹ <http://news.am/arm/news/222460.html>

42-ամյա զինծառայողն Արագածոտնի մարզից էր, մարտական հենակետ էր գնացել դեպքից 2 օր առաջ: Ըստ news.am-ին Արամի Գրիգորյանի եղբոր կնոջ փոխանցած տվյալների՝ նա որպես պայմանագրային զինծառայող 24 տարի ծառայել է ԼՂ տարբեր շրջաններում, մասնակցել է Արցախյան ազատամարտին, կռվել է Մոնթեի ջոկատում: Նրա կնքած պայմանագրից երկու ամիս անցել էր, բայց զրնծառայողն ուզում էր եւս երկու տարի հայրենիքը պաշտպանել, այնուհետեւ անցնել թոշակի³⁰:

ՀՀ նախագահի հրամանագրի համաձայն ավագ սերժանտ Արամ Մկրտիչի Գրիգորյանը հետմահու պարգևատրվել է Մարտական ծառայության մեդալով³¹:

11. Միեր Հովհաննեսի Հակոբյան (ավագ լեյտենանտ)

ԼՂ ՊԲ մամուլի ծառայության փոխանցմամբ 2014 թ-ի սեպտեմբերի 18-ին ղարաբաղաադրբեջանական հակամարտ գորքերի շփման գծի հարավային ուղղությամբ տեղակայված զորամասերից մեկի պահպանության տեղամասի մարտական հենակետում ադրբեջանական զնդակից մահացու վիրավորում է ստացել զինծառայող, 1990 թ-ին ծնված Միեր Հովհաննեսի Հակոբյանը:³²

Միեր Հակոբյանի մահվան դեպքի առթիվ ՀՀ քննչական կոմիտեի զինվորական քննչական գլխավոր վարչությունում հարուցվել է քրեական գործ՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետով (ազգային, ռասայական կամ կրոնական ատելության կամ կրոնական մոլեռանդության շարժառիթով սպանությունը):

Նախաքննությունը շարունակվում է:

ԼՂ նախագահ Բակո Սահակյանի հրամանագրով ավագ լեյտենանտ Միեր Հակոբյանը հետմահու պարգևատրվել է «Մարտական ծառայություն» մեդալով³³:

12. Դավիթ Վիկտորի Նավասարդյան (պայմանագրային զինծառայող)

ԼՂ ՊԲ մամուլի ծառայությունը հոկտեմբերի 2-ին տեղեկատվություն տարածեց այն մասին, որ նախօրեին՝ հոկտեմբերի 1-ին, ղարաբաղաադրբեջանական հակամարտ գորքերի շփման գծի հարավային ուղղությամբ տեղակայված զորամասերից մեկի

³⁰ <http://news.am/arm/news/222568.html>

³¹ <http://www.aysor.am/am/news/2014/08/06/serzh-sargsyan/>

³² <http://hasarakutyun.am/?p=66420>

³³ <http://galatv.am/hy/news/her-akobyany-hetmahu-pargewatrel-e-artakan-carayutyun-medalov/>

պահպանության տեղամասի մարտական հենակետում հակառակորդի կողմից արձակված կրակոցից մահացու վիրավորում է ստացել 1976թ. ծնված պայմանագրային զինծառայող՝ Դավիթ Վիկտորի Նավասարդյանը:³⁴

Զինծառայողի մահվան փաստի առնչությամբ ՀՀ Քննչական կոմիտեի զինվորական քննչական գլխավոր վարչությունում հարուցվել է քրեական գործ՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետով՝ ազգային ատելության շարժառիթով դիտավորությամբ սպանության հատկանիշներով: Կատարվում է նախաքննություն³⁵:

ԼՂ պետական սահմանը պաշտպանելիս ցուցաբերած արիության համար կրտսեր սերժանտ Դավիթ Նավասարդյանը ԼՂ նախագահ Բակո Սահակյանի հրամանագրով հետմահու պարգևատրվել է «Մարտական ծառայություն» մեդալով³⁶:

13. Սերգեյ Սահակյան (մայոր)

14. Ազատ Սահակյան (լեյտենանտ)

15. Սարգիս Նազարյան (ավագ լեյտենանտ)

2014թ. նոյեմբերի 6-ին ԼՂ-ում մեկնարկեցին «Միասնություն 2014» օպերատիվ մարտավարական գորավարժությունը, որում ներգրավված էին բոլոր զորատեսակներն ու շուրջ 47 000 հոգանոց անձնակազմ՝ ՀՀ զինված ուժերից եւ ԼՂ Պաշտպանության բանակից³⁷:

Զորավարժությունների մեկնարկից մոտ մեկ շաբաթ անց՝ նոյեմբերի 12-ին, դարաբաղաադրբեջանական սահմանի արեւելյան հատվածի օդային տարածքում ուսումնավարժական թռիչքի ժամանակ ադրբեջանական զինված ուժերը՝ խախտելով հրադադարի ռեժիմը, խոցեցին ԼՂ ռազմաօդային ուժերի ՄԻ-24 ուղղաթիռը:

Խոցման հետեւանքով զոհվեցին ուղղաթիռի անձնակազմի բոլոր 3 անդամները՝ ուղղաթիռի հրամանատար մայոր Սերգեյ Սահակյանը, լեյտենանտ Ազատ Սահակյանը եւ ավագ լեյտենանտ Սարգիս Նազարյանը:

³⁴ <http://nkrmil.am/main/am/newsMore803.html>

³⁵ <http://news.am/arm/news/231962.html>

³⁶ <http://replik.am/arm/index.php?id=46914>

³⁷ <http://razm.info/56101>

Հայկական կողմին տեւական ժամանակ չէր հաջողվում ինքնաթիռի անկման վայրից տարհանել զոհված սպաների դիերը, քանի որ ադրբեջանական կողմից չէին դադարում անընդհատ հնչող կրակոցները:

Հելսինկյան Քաղաքացիական Ասամբլեայի Վանաձորի գրասենյակի ղեկավար Արթուր Սաքունցը՝ մեկնաբանելով իրավիճակը, կարծիք է հայտնել, որ հայկական կողմը խոցված ուղղաթիռի հարցով պետք է առաջին հերթին աշխատի ԵԱՀԿ Մինսկի խմբի համանախագահների հետ³⁸:

Նոյեմբերի 23-ին, անուամենայնիվ, հայկական կողմին հաջողվեց չեզոք գոտուց դուրս բերել ուղղաթիռի անձնակազմի անդամների դիերը³⁹:

Ադրբեջանի կողմից նման սադրանքը բուռն քննադատության ալիք բարձրացրեց նաև միջազգային հանրության շրջանում:

ԵԱՀԿ Մինսկի խմբի համանախագահները հանդես եկան համերաշխության հաստատման եւ վստահության ամրապնդմանն ուղղված միջոցների կոչով⁴⁰: Վերահաստատելով իր աջակցությունը ԵԱՀԿ Մինսկի խմբի համանախագահներին, Եվրամիությունը եւս հայտարարություն տարածեց՝ կոչ անելով կողմերին՝ հարգել հրադադարի ռեժիմը, զերծ մնալ ուժի գործադրումից կամ դրա սպառնալիքից⁴¹:

Ֆրանսիա-Ղարաբաղ Բարեկամության շրջանակի նախագահ Ֆրանսուա Ռոշբլուանը դատապարտելով այս նոր բռնության պոռթկումը, արձանագրեց, որ «Ինչպես միշտ, այս անգամ եւս այն ադրբեջանական վարչակազմի ձեռքի գործն է»⁴²:

Իսկ Ամերիկայի Հայ դատի հանձնախումբն (ANCA) ԱՄՆ-ի Կոնգրեսին կոչ է արել դատապարտել Բաքվի հարձակումը դարաբաղյան օդուժի անգեւն ուղղաթիռի վրա:⁴³

Իտալիայի «Առա՛ջ, Իտալիա» (Forza Italia) կուսակցությունը հայտարարություն է տարածել ադրբեջանական զինուժի կողմից ԼՂ ՊՆ ուղղաթիռի խոցման կապակցությամբ, որում, մասնավորապես, աված է. «Դատապարտում ենք այս ագրեսիան՝ որպես բացահայտ սադրանք: Առավել եւս, որ հայկական աղբյուրները հաստատում են, որ զորավարժության ընթացքում ուղղաթիռում զենքեր չեն եղել»⁴⁴:

³⁸ <http://medialab.am/news/id/6035>

³⁹ <http://mitk.am/2014/11/25/ուղղաթիռի-խոցումը-հակամարտության-ավ/>

⁴⁰ <http://www.osce.org/mg/12663>

⁴¹ <http://www.azatutyun.am/archive/news/20141112/2031/2031.html?id=26688842>

⁴² <http://galatv.am/hy/news/ocvel-e-gharabaghyan/>

⁴³ <http://armedia.am/?action=NKR&what=show&id=1247176245&lang=arm>

⁴⁴ <http://hraparak.am/?p=66988&l=am/datapartum+enq+ays+agresian%D5%9Dvorpes+bacahayt+sadrang+forza+italia>

Իսկ ահա «Ռուս-հայկական համագործակցության» փորձագետ Դենիս Դվորնիկովը կարծիք է հայտնել, որ «Ադրբեջանն ի գորու չէ փակելու Արցախի երկինքը»: «Եթե ռարաբաղյան ուղղաթիռն իրոք սպառազինված լիներ, ապա Ադրբեջանի ղեկավարության համար կարելու կլիներ որքան հնարավոր է շուտ դա ի ցույց դնել միջազգային հանրությանը⁴⁵:

Դեպքի առնչությամբ հարուցվել է քրեական գործ ազգային աստելության շարժառիթով երկու եւ ավելի անձանց սպանության, գույքը դիտավորյալ ոչնչացնելու համար⁴⁶:

ԳԱԼԱ-ն մեջբերելով Սեյրան Օհանյանի խոսքերը, նշել է, որ բացի ծառայողական քննությունից, նաեւ մասնագիտական քննություն է իրականացվելու՝ պարզելու դեպքի բոլոր հանգամանքները:

Արժրուն Հովհաննիսյանի հավաստմամբ՝ ստեղծվել էր հանձնաժողով գլխավոր շտաբի տեղակալներից մեկի ղեկավարությամբ, եւ սկսվել էր քննությունը: Փորձաքննության են ուղարկվել ուղղաթիռի մասերը, որոնք բերել են չեզոք գոտուց: Խոցված ուղղաթիռի սեւ արկղերը եւս վերծանվելու են հայ մասնագետների կողմից:

Արդեն իսկ սույն թվականի դեկտեմբերի 21 լրագրողների հետ հանդիպման ժամանակ պաշտպանությաննախարարը նշել է, որ ուղղաթիռի հարցով ծառայողական քննությունն ավարտվել է, հարուցված քրեական գործով ԼՂ բանակի ղեկավարությունը եւ իրավապահ մարմիններն աշխատում են⁴⁷:

16. Վիտալիկ Պողոսյան (պայմանագրային զինծառայող)

2014 թ-ի նոյեմբերին ԼՂ նախագահի պաշտոնական կայքից տեղեկացել ենք, որ ԼՂ նախագահի նոյեմբերի 27-ի հրամանագրով ԼՂ պաշտպանության բանակի N գորամասի շարքային (պայմանագրային) **Վիտալիկ Պողոսյանը** հետմահու **պարգևատրվել է** «Մարտական ծառայություն» մեդալով, սակայն որի մահվան վերաբերյալ մինչ այդ որեւէ տեղեկատվություն չէր տարածվել: Հարկ է նշել, որ Բակո Սահակյանի կողմից ստորագրված հրամանագրում միայն նշվում է, որ զինծառայողը պարգևատրվել է «ԼՂ պետական սահմանը պաշտպանելիս ցուցաբերած արիության համար»:⁴⁸

⁴⁵ http://neonews.am/hy_AM/news/article/view/3/50767/

⁴⁶ <http://galatv.am/hy/news/zgayin-atelutyan-sharjharitov-erku-ew-aveli-andanc-spanutyun-harucvac-qreakan-gorcy-kparzi-um-hramanov-ein-tghanery-durs-ekel-chezoq-goti/>

⁴⁷ <http://yerevannews.am/?p=32221&l=am/xocvacvo%D6%82xatiri+carayoxakan+qnutyun+avartvel+e>

⁴⁸ <http://www.president.nkr.am/am/news/lawsOrders/2654/>

ՀԲԱ Վանաձորի գրասենյակը 2014թ. դեկտեմբերին ՀՀ ՊՆ հասցեագրված հարցմամբ փորձել է պարզել դեպքի մանրամասները: ՊՆ-ից ստացված գրությամբ հայտնվում է, որ զինձառայողի մահվան փաստի կապակցությամբ հարուցվել է քրեական գործ: Իսկ պահանջված տեղեկատվությունը այն մասին, թե երբ է տեղի ունեցել դեպքը և որ թվականին, ՊՆ-ն համարում է գաղտնի տեղեկատվություն:

Այնուամենայնիվ, կազմակերպությանը դեպքի մասին մանրամասներ տրամադրվեց ՀՀ զինվորական դատախազության կողմից՝ 2015թ. հունվարի 27-ին, ի պատասխան 2014 թ. դեկտեմբերի 24-ին ուղարկված հարցման: Գրությամբ մասնավորապես տեղեկացվել է, որ պայմանագրային զինձառայող Վիտալի Էդիկի Պոդոյանը զոհվել է ադրբեջանական կողմից արձակված կրակոցից 2014թ. նոյեմբերի 9-ին՝ մարտական դիրքի թիկունքային հատվածում ինժեներական աշխատանքներ կատարելիս: Ջինձառայողը հրազենային վիրավորում է ստացել որովայնի շրջանում, ինչի հետևանքով տեղում մահացել է:

ՀՀ զինդատախազությունից նաև տեղեկացվել է, որ փաստի առթիվ նույն օրը՝ 2014 թ. նոյեմբերի 9-ին ՀՀ Քննչական կոմիտեի ՋԲԳՎ առաջին կայազորային քննչական բաժնում հարցուցվել է քրեական գործ՝ ՀՀ քրեական օրենսգրքի 104-րդ հոդվածի 2-րդ մասի 13-րդ կետով: Նախաքննությունը շարունակվում է:

Դիվերսիայի հետևանքով մահացություններ

17. Արմեն Լեւոնի Հովհաննիսյան

ԼՂ ՊԲ մամուլի ծառայության տեղեկացմամբ՝ 2014 թ. հունվարի 19-ի լույս 20-ի գիշերը դարաբաղաադրբեջանական հակամարտ գորքերի շփման գծի հյուսիսարևելյան (Ջրաբերդ) եւ հարավարևելյան (Կորգան) ուղղություններում արձանագրվել են հակառակորդի դիվերսիոն խմբերի ներթափանցման միաժամանակյա փորձեր: Բռնկված փոխհրաձգության արդյունքում հակառակորդի կողմից ստացած հրազենային վիրավորումից՝ հյուսիսարևելյան ուղղությամբ տեղակայված մարտական դիրքում զոհվել է կրտսեր սերժանտ 1994 թ-ին ծնված Արմեն Լեւոնի Հովհաննիսյանը:⁴⁹

⁴⁹ <http://nkrmil.am/main/am/newsMore652.html>

Արմեն Հովհաննիսյանը, զգուշացնելով իր ծառայակիցներին դիվերսանտների ներթափանցման մասին, սկսել է դիմադրությունը հակառակորդի մեծ խմբի դեմ: Նույնիսկ ծանր վիրավորված լինելով՝ նա շարունակել է պայքարել: Հարազատների խոսքերով Արմենը վիրավորվել է 10-12 տեղից: Իսկ նրա մարտական ընկերները պատմել են, որ մոտ կես ժամ Արմենը միայնակ է դիմադրություն է ցույց տվել եւ մի քանի հոգու կյանք փրկել:

ԼՂ նախագահի կողմից հետմահու պարգևատրվել է «Արիության համար» մեդալով:

Արմեն Հովհաննիսյանին հուղարկավորել են Եռաբլուր զինվորական պանթեոնում:⁵⁰

18. Էրիկ Վիլենի Գասպարյան

Ըստ ԼՂ ՊԲ տարածած տեղեկատվության՝ 2014 թ-ի մայիսի 27-ի լույս 28-ի գիշերը՝ ժամը 02:55-ի սահմաններում, դարաբաղադրեջանական հակամարտ գորքերի շփման գծի հարավային ուղղությամբ հակառակորդը ձեռնարկել է հերթական հետաուզողիվերսիոն ներթափանցման փորձ:

ՊԲ առաջապահ ստորաբաժանումները, դիմել են պատասխան գործողությունների եւ հետ մղել նրաց ելման դիրքեր: Հակառակորդ գրոհայիններին դիմակայելու ընթացքում պաշտպանության բանակը ունեցել է մեկ կորուստ: Ծավալված մերձամարտում զոհվել է ՊԲ զինծառայող, եֆրեյտոր, 1995թ. ծնված Էրիկ Վիլենի Գասպարյանը:⁵¹

19. Նարեկ Կարոյի Պողոսյան (պայմանագրային զինծառայող)

Times.am-ի փոխանցմամբ 2014 թ-ի հունիսի 20-ի լույս առավոտյան հերթական դիվերսիան է կազմակերպվել Արցախի երրորդ պաշտպանական շրջանի ուղղությամբ (Մարտունիի շրջան): Հայկական կողմը կարողացել է խափանել հակառակորդի դիվերսիան: Դիվերսիայի արդյունքում զոհվել է 1988 թ-ին ծնված պայմանագրային զինծառայող ավագ սերժանտ Նարեկ Կարոյի Պողոսյանը:⁵²

Դեպքի մասին այլ մանրամասներ չեն նշվում:

⁵⁰ http://www.panorama.am/am/current_topics/2014/01/22/armen-hovhannisyan/

⁵¹ <http://nkrmil.am/main/am/newsMore706.html>

<http://razm.info/45092>

⁵² <http://times.am/?p=43352&l=am>

20. Սարգիս Մամվելի Աբրահամյան (մայոր)

2014 թվականի հուլիսի սկզբին մամուլում տարածվեց տեղեկատվություն այն մասն, որ ԼՂ սահման է ներթափանցել ադրբեջանական հետախուզադիվերսիոն խումբ, ովքեր առեւանգել եւ սպանել են Քարվաճառի տարածքի 17-ամյա բնակիչ Սմբատ Յականյանին, որի դին հայտնաբերվել է հուլիսի 15-ին՝ գլխի շրջանում հրազենային մահացու վիրավորումով:⁵³

ՊՆ-ի «Ազատության»-ը փոխանցած տվյալների համաձայն՝ հուլիսի 11-ին ժամը 18:00-ի սահմաններում Քարվաճառի տարածքում ադրբեջանահայկական սահմանը հատած դիվերսանտը հարձակվել է ճանապարհով ընթացող «Նիվա» մակնիշի քաղաքացիական համարանիշներով ավտոմեքենայի վրա, սպանել մեքենայում գտնվող 42-ամյա մայոր Սարգիս Աբրահամյանին եւ վիրավորել եւս 1 սպայի կնոջ՝ 37-ամյա Կարինե Դավթյանին: Վերջինս այքի շրջանում հրազենային վնասվածքով տեղափոխվել է Մուրացանի գինվորական հոսպիտալ⁵⁴:

Դիվերսանտը (Հասան Հասաովը) փորձել է նույն ավտոմեքենայով դիմել փախուստի, սակայն հայ դիրքապահները կասեցրել են ավտոմեքենայի ընթացքը եւ փոխհրաձգության ժամանակ ոչնչացրել դիվերսանտին⁵⁵:

2014թ. հոկտեմբերի 27-ին Ստեփանակերտի ընդհանուր իրավասության առաջին ատյանի դատարանում սկսվել էր դարաբաղաադրբեջանական սահմանն ապօրինի հատած զինված ադրբեջանցիներ Իլհամ Ասկերովի եւ Շահբազ Գուլիեի դատաքննությունը, որոնց մեղադրանքներ են առաջադրվել ԼՂ Քրեական Օրենսգրքի մի շարք հոդվածներով:

Ասկերովը ընդունել է 2014 թ. Շահբազ Գուլիեի եւ Հասան Հասանովի հետ սահմանն ապօրինի հատելու մեղադրանքը:

2014թ. դեկտեմբերի 29-ին Ասկերովն ու Գուլիեը դատապարտվել են համապատասխանաբար ցմահ եւ 22 տարվա ազատազրկման՝ լրտեսության, առանց պատշաճ թույլտվության Լեռնային Ղարաբաղի պետական սահմանը հատելու, ապօրինի կերպով հրազեն եւ ռազմամթերք կրելու, մարդուն բացահայտ առեւանգելու եւ սպանության համար⁵⁶:

⁵³ <http://news.am/arm/news/219240.html>

⁵⁴ <http://galatv.am/hy/news/87697890567805/>

⁵⁵ <http://www.azatutyun.am/content/article/25454702.html>

⁵⁶ <http://www.azatutyun.am/content/news/26779250.html>

21. Խաչատուր Լեւոնի Բաղասյան

2014 թ-ի հուլիսի 26-ին դարաբաղաադրբեջանական հակամարտ գորքերի շփման գծի հյուսիսային եւ հյուսիս-արեւելյան ուղղություններով ադրբեջանական կողմի ձեռնարկած դիվերսիոն հետախուզական ներթափանցման փորձերի արդյունքում հրազենային մահացու վիրավորում է ստացել ժամկետային զինծառայող, 1994 թ. ծնված, Խաչատուր Լեւոնի Բաղասյանը:

Զինծառայողը Տավուշի մարզի Հաղթանակ գյուղի 19-ամյա բնակիչ էր:⁵⁷

Գյուղապետի խոսքերով՝ Խաչատուրը 1,5 տարվա ծառայող էր: Նա խիստ անապահով ընտանիքից էր, տուն չունեին⁵⁸:

Նախագահ Բակո Սահակյանը հուլիսի 26-ին ստորագրել է հրամանագիր, համաձայն որի՝ ԼՂ պետական սահմանը պաշտպանելիս ցուցաբերած արիության համար ԼՂ պաշտպանության բանակի N զորամասի շարքային Խաչատուր Բաղասյանը հետմահու պարգևատրվել է «Արիության համար» մեդալով⁵⁹:

22. Արարատ Վաչիկի Խանոյան

23. Ազատ /Աշոտ/ Արթուրի Ասոյան

ԼՂ ՊԲ մամուլի ծառայության տարածած տեղեկատվության համաձայն 2014 թ-ի հուլիսի 31-ին ադրբեջանական կողմը ձեռնարկել է հարձակում դարաբաղաադրբեջանական հակամարտ գորքերի շփման գծի հյուսիսային ուղղությամբ տեղակայված զորամասերից մեկի պահպանության տեղամասի մարտական հենակետի ուղղությամբ: Հայկական կողմին հաջողվել է դիվերսանտներին հետ մղել իրենց ելման դիրքեր: Մարտական գործողությունների ժամանակ, սակայն, զոհվել են ՊԲ երկու զինծառայողներ՝ 1994 թ. ծնված Աարատ Վաչիկի Խանոյանը (Արմավիրի մարզի Սարդարապատ գյուղից) եւ Աշոտ Արթուրի Ասոյանը (Երեւանից)⁶⁰:

Ազատի ծառայակից ընկերներից մեկը news.am-ի հետ զրույցում ասել է, որ Ազատը չէր վախենում դիրքեր բարձրանալուց: Հաճախ անձամբ է խնդրել, որ իրեն դիրքեր տանեն,

⁵⁷ <http://www.aravot.am/2014/07/26/483456/>

⁵⁸ <http://news.am/arm/news/221034.html>

⁵⁹ <http://www.times.am/?p=44613&l=am/arcaxum+zohvac+shargayiny+hetmahu+pargevatrvel+e+ariutyany+hamar+medalov>

⁶⁰ <http://razm.info/50376>

երբ իր հերթը չի եղել: Մարտական հենակետում շատ ուշադիր էր ու զգոն: Նույնիսկ դեպք է եղել, երբ խրամատում կանգնելու իր հերթը չի եղել, բայց ընկերներից մեկի հիվանդ լինելու պատճառով Ազատը փոխարինել է նրան՝ ձմռանը հինգ ժամ կանգնելով խրամատում⁶¹:

Իսկ Արմավիրի մարզի Մարդարապատի գյուղապետը գրուցելով Արարատ Խանոյանի մարտական ընկերների հետ՝ պարզել է, թե ինչպես է տեղի ունեցել դեպքը: Նրա խոսքերով հայ զինծառայողները ձեռնամարտի են բռնվել ադրբեջանական դիվերսանտների հետ, որոնք փորձել են գերեվարել վերջիններիս: Նրանք փոքրաթիվ բանակով հերոսաբար կռվել են եւ կարողացել են հետ մղել դիվերսանտներին, սակայն Արարատն ու Ազատը զոհվել են, իսկ նրանց ծառայակից ընկերը՝ Նորայր Քամալյանը, վնասվածք է ստացել դեմքի շրջանում:

Չորամասի հրամանատար, անձնակազմի հետ տարվող աշխատանքների գծով տեղակալ, փոխգնդապետ Բալայանի խոսքերով՝ «Դիվերսիոն խմբերը հարձակվել են ճանապարհին՝ կաճանի վրա, իրենք մարտնչել են, մեկի մոտ է զենք եղել, այն էլ չի հասցրել: Չորսով են եղել, երկուսը մահացել են, մեկը վիրավորվել է, իսկ չորրորդին ոչինչ չի եղել»⁶²:

Շարքային Ազատ Արթուրի Ասոյանը, սերժանտ Արարատ Վաչիկի Խանոյանը ՀՀ նախագահի հրամանագրով պարգևատրվել են Մարտական ծառայության մեղալով, իսկ Նորայր Միքայելի Քամալյանը՝ Արիության մեղալով⁶³:

24. Զորիկ Ժիրայրի Գեւորգյան (Ավագ լեւտենանտ)

2014 թ-ի օգոստոսի 1-ի լույս 2-ի գիշերը դարաբաղաադրբեջանական հակամարտ գորքերի շփման գծի հյուսիսարեւելյան /Մարտակերտի/ ուղղությամբ Ադրբեջանի կողմից հերթական անգամ ձեռնարկվել է հետախուզադիվերսիոն գործողություն: ՊԲ տեղեկացմամբ⁶⁴, առաջապահ ստորաբաժանումները ադրբեջանական կողմին պատճառելով մարդկային (3 զոհ, 7 վիրավոր) եւ նյութական կորուստներ, նրանց հետ են շարտել ելման դիրքեր: Դիմակայության ընթացքում հայկական կողմը, ցավոք, եւս ունեցել է զինծառայողի կորուստ՝ 1989թ. ծնված ավագ լեյտենանտ Զորիկ Գեւորգյանը: Զորիկ Գեւորգյանը Վանաձորից էր:

⁶¹ <http://news.am/arm/news/222586.html>

⁶² <http://www.1in.am/1389690.html>

⁶³ <http://www.aravot.am/2014/08/02/485309/>

⁶⁴ <http://razm.info/50567>

Դեպքի մանրամասները ճշտելու համար տարվում է քննություն:

Ավագ լեյտենանտ Զորիկ Գեորգյանը ՀՀ նախագահի հրամանագրով հետմահու պարգևատրվել է «Մարտական խաչ» 2-րդ աստիճանի շքանշանով, իսկ ԼՂ նախագահի հրամանագրով հետմահու պարգևատրվել է «Արիության համար» մեդալով⁶⁵:

25. Սարգիս Բարմենի Մովսիսյան

ՀՀ ՊՆ մամուլի խոսնակը Ֆեյսբուք սոցիալական կայքի իր էջում գրառում է կատարել այն մասին, որ 2014 թ-ի օգոստոսի 3-ին հոսպիտալում (ՊՆ Կենտրոնական հոսպիտալ) մահացել է օգոստոսի 2-ի դիվերսիայի հետեւանքով վիրավորված կրտսեր սերժանտ ծնված 1994 թ. Սարգիս Բարմենի Մովսիսյանը: Զինվորը մահացել է գիշերը՝ մի քանի ժամ տեւած վիրահատության ընթացքում⁶⁶:

Ինչպես նախօրեին հայտնել էր ԼՂ ՊԲ մամուլի ծառայությունը՝ օգոստոսի 2-ին ժամը՝ 23:00-ի սահմաններում, դարաբաղաադրբեջանական հակամարտ գորքերի շփման գծի արեւելյան /Ասկերանի/ ուղղությամբ տեղակայված զորամասերից մեկի պահպանության տեղամասի վրա ադրբեջանական կողմը ձեռնարկել էր հետախուզողիվերսիոն ներթափանցման հերթական փորձ:⁶⁷

ՀՀ ՊՆ Կենտրոնական հոսպիտալում մահացած 20-ամյա Սարգիս Մովսիսյանը Արմավիրի մարզի Մայիսյան գյուղից էր: Հոսպիտալի պետ Արամ Ասատուրյանը news.am-ի հետ զրույցում հայտնել է, որ զինծառայողի թոքերը, երիկամն ու ողնաշարն էր վնասվել: Սարգիսի հորեղբոր՝ Եսայի Մովսիսյանի խոսքերով, որը Մայիսյան գյուղի գյուղապետն է, Սարգիսն իրենից մեծ եղբայր ուներ, իսկ ծնողները բնակվում են Ռուսաստանում⁶⁸:

ՀՀ եւ ԼՂ նախագահները հրամանագրեր են ստորագրել, համաձայն որոնց կրտսեր սերժանտ Սարգիս Մովսիսյանը հետմահու պարգևատրվել է Արիության մեդալով⁶⁹:

26. Գարիկ Արտեմի Իսայիրյան

⁶⁵ <http://www2.slaq.am/arm/news/210905/>

⁶⁶ <http://lurer.com/?p=152236&l=am>

⁶⁷ <http://www.7or.am/am/news/view/72458/>

⁶⁸ <http://lurer.com/?p=156655&l=am>

⁶⁹ <http://operativ.am/?p=87118/> , <http://lurer.com/?p=152241&l=am>

2014 թ-ի դեկտեմբերի 8-ին, ղարաբաղաադրբեջանական հակամարտ գորքերի շփման գծի արեւելյան ուղղությամբ տեղակայված գորամասերից մեկի պահպանության տեղամասի մարտական հենակետում, հակառակորդի կողմից արձակված կրակոցից մահացու հրազենային վիրավորում է ստացել զինձառայող, 1995 թ-ին ծնված Գարիկ Արտեմի Իսպիրյանը⁷⁰:

ՀՀ քննչական կոմիտեի տեղեկատվության եւ հասարակայնության հետ կապերի բաժին տարածած տեղեկատվության համաձայն Գարիկ Իսպիրյանի մահվան առնչությամբ հարուցվել է քրեական գործ ՀՀ քրեական օրենսգրքի 104-րդ հոդվածի 2-րդ մասի 13-րդ կետով եւ կատարվում է նախաքննություն⁷¹:

ԼՂ նախագահի մամլո խոսնակի կողմից Իրավաբան.net-ին տրամադրած տեղեկատվության համաձայն տեղի է ունեցել դիվերսիա, ըստ որի Ադրբեջանի կողմից արձակվող կրակոցների արդյունքում գրանցվել է մահվան 1 դեպք⁷²: Tert.am-ի տվյալներով, ադրբեջանական կողմը ունեցել է 5-7 զոհ⁷³:

ԼՂ նախագահի դեկտեմբերի 9-ին Գարիկ Արտեմի Իսպիրյանը հետմահու պարգևատրվել է «Մարտական ծառայություն» մեդալով⁷⁴:

Բ. Առողջական խնդիրների/ոչ պատշաճ բժշկական ծառայության տրամադրման հետեւանքով մահվան դեպքեր

1. Հայկ Հովհաննեսի Մակարյան

2014 թ-ի հունվարի 14-ի լույս 15-ի գիշերը ՊԲ հյուսիսային ուղղությամբ տեղակայված գորամասերից մեկում հիվանդության պատճառով մահացել է զինձառայող, 1993թ. ծնված Հայկ Հովհաննեսի Մակարյանը:⁷⁵

ՀՀ ՊՆ քննչական ծառայության ավագ սպա Մերի Սարգսյանի խոսքերով⁷⁶ Հայկ Մակարյանի մահվան փաստի առթիվ հարուցվել է քրեական գործ ՀՀ քրեական օրենսգրքի

⁷⁰ <http://galatv.am/hy/news/akarakordi-koghmic-ardakvac-krakocic-1995t-cnvac-hay-zincarayogh-e-zohvel/>

⁷¹ <http://www.a1plus.am/1354801.html>

⁷² <http://iravaban.net/72438.html>

⁷³ <http://www.yerkirmedia.am/?act=news&lan=hy&id=23468>

⁷⁴ <http://www.president.nkr.am/am/news/lawsOrders/2662/>

⁷⁵ <http://nkrmil.am/main/am/newsMore648.html>

⁷⁶ <http://www.pastinfo.am/hy/node/31117>

376-րդ հոդվածի 1-ին մասով՝ ծառայության նկատմամբ պետի կամ պաշտոնատար անձի անփույթ վերաբերմունքը, որը պատճառել է էական վնաս:

News.am-ին Հայկի ծանոթների փոխանցմամբ՝ նախնական տեղեկություններով, Հայկը ներքին օրգանների հետ կապված խնդիր է ունեցել, հունվարի 14-ի գիշերը նրան տեղափոխել են Ալաշանի հոսպիտալ, իսկ լույս 15-ի գիշերը մահացել է:

Պաշտպանության նախարարի խոսքերով՝ ըստ նախնական տեղեկությունների, Հայկ Մակարյանի մահվան պատճառը կայծակնային արագությամբ զարգացած մենինգիտն է: Ըստ նրա՝ զինծառայողը դիմել է բուժօգնություն ստանալու համար, սակայն ուշ է դիմել, եւ հնարավոր չի եղել նրան փրկել, քանի որ հիվանդությունը շատ արագ է զարգացել:⁷⁷

«Հայկական ժամանակ» թերթի տվյալներով՝ Հայկ Մակարյանի մահվան փաստով նշանակված ծառայողական քննության արդյունքներով նկատողություն է հայտարարվել գորամասի բժշկական ծառայության պետին:⁷⁸

2. Էդիկ Լյովայի Շահնագարյան

ՊՆ քննչական ծառայությունից news.am-ին հայտնած տեղեկությունների համաձայն՝ 2014 թ-ի հունվարի 20-ին, ժամը 08-00-ի սահմաններում Վաղարշապատի հիվանդանոցում մահացել է ՀՀ ՊՆ N գորամասի պարտադիր ծամկետային զինծառայող Էդիկ Լյովայի Շահնագարյանը: Փաստի առնչությամբ հարուցվել քրեական գործ՝ ՀՀ քրեական օրենսգրքի 376-րդ հոդվածի 2-րդ մասով՝ պաշտոնատար անձի անփույթ վերաբերմունքը ծառայության նկատմամբ, որն անզգուշությամբ առաջացրել է ծանր հետեւանքներ:⁷⁹

Զինծառայողը զինծառայության էր գորակոչվել 2014 թ-ի հունվարի 13-ին՝ Նոյեմբերյանի զինկոմիսարիատից, ծառայության է անցել Էջմիածնի գորամասերից մեկում: Նա հասցրել է ծառայել ընդամենը մեկ շաբաթ:

1in.am-ի տեղեկացմամբ՝ Էդիկը Տավուշի մարզի Կոթի գյուղից էր: Կոթիի գյուղապետ Ֆելիքս Մելիքյանի խոսքերով՝ Էդիկն ուներ իրենից մեծ մեկ քույր եւ եղբայր: Նկարագրելով Էդիկին՝ նա նշեց, որ տղան կովարար չէր, ընկերասեր էր, ակտիվ, տարեկիցների շրջանում հարգված եւ դաստիարակված երեխա էր:⁸⁰

⁷⁷ <http://www.a1plus.am/1293479.html>

⁷⁸ <http://news.am/arm/reviews/7967.html>

⁷⁹ <http://m.news.am/arm/news/190105.html>

⁸⁰ http://m.1in.am/arm/armenia_society_245406.html

Զինճառայողի հայրը՝ Լյովա Շահնագարյանը, ասել է, որ ինքը որդու մահվան նախորդ օրը երեկոյան է խոսել որդու հետ: «Իրիկունը ժամը հինգին եմ խոսել, ասաց՝ լավ եմ պա, բայց մի երկու օրով ինձ սանչաստ են տանելու, վատ եմ զգում: Դա վերջն է եղել, հետո առավոտյան արդեն իմացանք, որ երեխան մահացել է»:⁸¹

Դեպքից մեկ ամիս անց Էդիկ Շահնագարյանի իրավահաջորդ, նրա հորեղբայր Շիրակ Շահնագարյանը, news.am-ին տված իր պարզաբանումներում նշել է, որ ըստ տարված քննության՝ զինվորի մահվան պատճառը պատվաստումն էր, որից հետո սրացում է եղել, սակայն բուժկետի պետը հավուր պատշաճի ուշադրություն չի դարձրել դրան: Նրա խոսքերով՝ Էդիկը գլխացավեր ու ջերմություն է ունեցել, որը դեղերով փորձել է իջեցնել: Հարկավոր էր, որ բուժկետի պետի կողմից հսկողություն իրականացվեր, այն ժամանակ, երբ հրամանատարը տարել է նրան բուժկետ, սակայն պետը ուշացրել է նրա հոսպիտալ տեղափոխումը: Զինվորի հորեղբոր խոսքերով՝ խնդիրն այն է, թե արդյոք հնարավոր կլիներ փրկել Էդիկին, եթե բժիշկը շուտ հասցներ զինվորին հոսպիտալ: Նա նաեւ հավելեց, որ ջերմության մասին իրենք հետո են իմացել: «Երեխան շուրջ 10 ժամ մնացել է բուժկետում, հետո բուժկետի պետը խոստովանել է, որ 39,9 աստիճան ջերմություն է ունեցել»,- ասել է Շիրակ Շահնագարյանը: «Նրա հետ բուժկետում պառկած մեկ ուրիշ ծառայողին հոսպիտալ են տարել, Էդիկին՝ ոչ»: Բուժկետի պետի խոսքերով՝ Էդիկի ջերմությունն իջել է, լավ է զգացել, այդ պատճառով նրան չեն տեղափոխել հոսպիտալ: Ըստ զինվորի հորեղբոր՝ Էդիկի փրկվելու հավանականությունը մեծ կլիներ, եթե նրան հոսպիտալ տեղափոխեին, քանի որ բոլոր հոսպիտալ տեղափոխվածները փրկվել են:⁸²

Ըստ «Հայկական ժամանակ» թերթի տվյալների՝ ՀՀ պաշտպանության նախարար Սեյրան Օհանյանի հրամանով հայտարարվել է խիստ նկատողություն գորամասի շտաբի պետին, հրամանատարի սոցիալ-իրավական գծով օգնականին, գումարտակի հրամանատարին: Թերթի տվյալներով՝ սույն գործով բուժճառայության պետի պաշտոնն իջեցվել է, իսկ գորամասին բուժկետի պետը ազատվել է պաշտոնից:

2014թ. հունիսի 12-ի դրությամբ, ըստ ՀՀ ՊՆ քննչական ծառայության, զինճառայողի մահվան փաստով հարուցված քրեական գործի նախաքննությունը շարունակվում է:⁸³

⁸¹ <http://galatv.am/hy/news/dik-ahnazaryany-mahvan-naxord-ory-erekoyan-xosel-e-hor-het-heraxosov/>

⁸² <http://news.am/arm/news/195441.html>

⁸³ <http://168.am/2014/06/12/375626.html>

Էդիկ Շահնագարյանի մահվանից հետո ՊՆ գրեթե բոլոր զորամասերում լուրջ ստուգումներ են սկսվել: «Ժողովուրդ»-ի աղբյուրների փոխանցմամբ՝ զորամասեր են տարվել թոքերի ստուգման համար նախատեսված հատուկ սարքեր, եւ բժիշկները հետազոտում են բոլորին անխտիր՝ անկախ նրանից՝ զինվորը նորակոչիկ է, թե ոչ: Արծրուն Հովհաննիսյանը «Ժողովուրդ»-ի հետ զրույցում ասել է, որ նմանօրինակ ստուգումները նորմալ երեւոյթ են, եւ հաշվի առնելով ստեղծված իրավիճակը՝ այն իրականացվում է հնարավոր վտանգները կանխարգելելու համար⁸⁴:

3. Արշակ Զադայան

2014 թ. փետրվարի 12-ին մի քանի օր բուժումից հետո Արաբկիրի հոսպիտալում մահացել է 1995 թ. ծնված Արշակ Զադայանը:⁸⁵ Արշակ Զադայանի մահվան փաստի առթիվ հարուցվել է քրեական գործ ՀՀ քրեական օրենսգրքի 376-րդ հոդվածի 2-րդ մասով՝ պետի կամ պաշտոնատար անձի անփույթ վերաբերմունքը ծառայության նկատմամբ, որն անզգուշությամբ առաջացրել են ծանր հետեւանքներ:⁸⁶

Նա տառապում էր սուր թոքաբորբով: Արշակ Զադայանը զորակոչվել էր 2013 թ-ին՝ Գորիսի զինկոմիսարիատից: Նա Սյունիքի մարզի Վերինշեն գյուղից էր: Զինվորը ծառայել է Արարատում:

News.am-ի տեղեկություններով՝ նա Պաշտպանության նախարարության զորքերի ծառայության վարչության պետի տեղակալի քրոջ որդին էր:

Մահվանից օրեր առաջ նա սուր թոքաբորբ ախտորոշմամբ տեղափոխվել է Մուրացանի հանրապետական զինվորական հոսպիտալ, սակայն տեսնելով, որ վիճակը վատանում է, նրան տեղափոխել են Արաբկիրի բժշկական կենտրոն, որտեղ էլ նա մահացել է:

News.am-ի թղթակցի հետ զրույցում «Արաբկիր» բժշկական կենտրոնի պետ Արամ Ասատուրյանը նշել է, որ զինծառայողի մոտ առկա էր սուր թոքաբորբ, մահացության պատճառը՝ հիվանդության ագրեսիվությունն էր, «ինֆեկցիան շատ արագ է զարգացել, հնարավոր չեղավ փրկել նրա կյանքը»: Հոսպիտալի պետն ասել է, որ զինծառայողի

⁸⁴ <http://armlur.am/211872/>

⁸⁵ <http://www.7or.am/am/news/view/63348/>

⁸⁶ <http://newsbook.am/?p=25861&l=am/erek+zinvorakan+hospitalum+mahacac+zinvori+mahvan+aritov+qreakan+gorc+e+harucvel>

տեղափոխման պատճառը սուր թոքաբորբի հետեւանքով երիկամների շարքից դուրս գալն է եղել: Նա «Արաբկիր» ԲԿ-ում դիալիզ էր ստանում:⁸⁷

«Փաստինֆո»-ի թղթակցի հետ զրույցում Արծրուն Հովհաննիսյանը նշել է, որ Արշակի մոտ հիվանդության գաղտնի շրջան է եղել այն ժամանակ, երբ նա գտնվել է արձակուրդում: Վերադառնալուն պես նրա մոտ հազ են նկատել եւ անմիջապես հոսպիտալացրել:

«Ազատության» հետ զրույցներում իրավապաշտպանները նշել են, որ թերահավատորեն էին վերաբերվում պաշտոնական այն հավաստիացումներին, որ զինվորն ամենայն հավանականությամբ արձակուրդում եղած ժամանակ դրսում է թոքաբորբով վարակվել, այլ ոչ թե գորամասում: Իրավապաշտպանների տեղեկություններով՝ վերջին շրջանում թոքաբորբը բանակում լուրջ խնդիր է դարձել, որի տարածման պատճառներից մեկն էլ նրանք համարում են ձմեռվա սառնամանիքին նորակոչիկներին 6-10 ժամ զինկոմիսարիատների դիմաց սառեցնելը:⁸⁸

Այս մասին է վկայում նաեւ ՀՔԱ Վանաձորի գրասենյակի կողմից դեռեւս 2013թ. դեկտեմբերին (ձմեռային զորակոչի ընթացքում) հրապարակված հայտարարությունը՝ «Գյումրիում եւս զորակոչիկներին սպասեցնում են սառնամանիքին» վերնագրով, որտեղ ներկայացվում է կազմակերպության կողմից ստացված ահազանգն այն մասին, որ Գյումրիի զինվորական կոմիսարիատում ավելի քան 50 զորակոչիկ եւ նրանց հարազատներ առավոտյան ժամը 9:30-ից սպասում են դրսում՝ սառնամանիքին՝ բուժզննություն անցնելու նպատակով եւ որ նրանց համար չեն ապահովվում պայմաններ՝ ներսում սպասելու համար:⁸⁹

ՀՔԱ Վանաձորի գրասենյակի նախագահ, իրավապաշտպան Արթուր Մաքունցը «Առաջին լրատվական»-ի հետ զրույցում ասել է, որ, ըստ իր պարզած տեղեկությունների, Արշակը լիովին առողջ է զորակոչվել: Նրա խոսքով՝ երիտասարդը նույն խնդրով դեպքից առաջ մեկ անգամ արդեն եղել է հոսպիտալում: «Ակնհայտ է, որ լիարժեք բուժում չի իրականացվել, ինչի պատճառով էլ երկու ամիս անց տղան նորից հայտնվել է հոսպիտալում», - ասել է Արթուր Մաքունցը:⁹⁰

Գ. Մարտական ծառայություն կրելու կանոնների խախտում

⁸⁷ <http://news.am/arm/news/193991.html>

⁸⁸ <http://www.azatutyun.am/content/article/25262764.html>

⁸⁹ <http://hcav.am/events/հայտարարություն-գյումրիում-եւս-զորավ/>

⁹⁰ http://www.lin.am/arm/armenia_society_250677.html

1. Արման Արտյուշայի Ղուկասյան

2014 թ-ի մարտի 19-ին ղարաբաղաադրբեջանական հակամարտ գորքերի շփման գծի հյուսիսային ուղղությամբ տեղակայված զորամասերից մեկի պահպանության տեղամասի մարտական հենակետում մարտական խնդիր կատարելու ժամանակ մահացու հրազենային գնդակային վիրավորում է ստացել զինծառայող, 1994 թ-ին ծնված Արման Արտյուշայի Ղուկասյանը:⁹¹

Դեպքի առթիվ հարուցվել է քրեական գործ ՀՀ քրեական օրենսգրքի 365-րդ հոդվածի 3-րդ մասի հատկանիշներով՝ մարտական հերթապահության կամ մարտական ծառայություն կրելու կանոնները խախտելը (մարտական հերթապահություն կամ մարտական ծառայություն կրելու կանոնների նկատմամբ անփույթ կամ անբարեխիղճ վերաբերմունքը), որն առաջացրել է ծանր հետեւանքներ: Գործի շրջանակներում ընթանում է նախաքննություն:⁹²

Իսկ 26-ամյա Վարազդատ Չաքարյանը, որը News.am-ի տվյալներով Արագածոտնի մարզի Սուսեր գյուղից է, վիրավորվել է եւ տեղափոխվել Ստեփանակերտի հոսպիտալ: Դեպքը տեղի է ունեցել Մարտակերտի մարտական դիրքերում:

«Ժողովուրդ»-ի տեղեկություններով՝ զինվորները միմյանց շփոթել են հակառակորդի հետ, ինչի հետեւանքով դիրքերում հնչել է կրակոց:

Ըստ զինվորի հարազատներից մեկի կողմից Armlur.am-ին հայտնած տեղեկությունների՝ դեպքը անփութության հետեւանք է: Զինվորի հորեղբայրը պատմել է. «Դիրքի զինվորներն ուրիշ չաստից եկած զինվորներ են եղել: Եկել, իմացել են, որ էստեղ շինարարական աշխատանքներ են կատարվում: Պոստը փոխելու ժամանակ եկել են աջ թելի վրա: Մեր երեխան ու մի աֆիցեր խրամատի մեջ են եղել, մի զինվոր էլ խրամատից դուրս գործ անելիս ա եղել: Իմացել են՝ թուրք ա, ըտենց 40 հատ պատրոն միանգամից կրակել են նրանց վրա»:⁹³

⁹¹ <http://nkrmil.am/main/am/news/More669.html>

⁹² <http://news.am/arm/news/199959.html>

⁹³ <http://armlur.am/136486/>

Բակո Սահակյանը հրամանագիր էր ստորագրել, համաձայն որի՝ ԼՂ պետական սահմանը պաշտպանելիս ցուցաբերած արիության համար շարքային Արման Ղուկասյանին հետմահու պարգևատրել էր «Մարտական ծառայություն» մեդալով:⁹⁴

Մահացած 20-ամյա զինվորը ծառայության էր գորակոչվել 2012 թ-ի աշնանը: Նա Գորիսի Տեղ գյուղից էր, տան միակ արու զավակը, ըստ գյուղապետ Սաղաթել Գալստյանի ուներ իրենից փոքր երկու քույր: «Իր արձակուրդ գալու ժամանակն էր, հենց դեպքի օրը պետք է թուղթը տային, որ հաջորդ օրը գար արձակուրդ, զանգել էր տնեցիքին ասել, որ արձակուրդ է գալու, բայց դեպքը եղել է», - ասել է գյուղապետը:⁹⁵

Սեյրան Օհանյանի հրամանով՝ Արման Ղուկասյանի մահվան դեպքով նշանակվել է ծառայողական քննություն: News.am- տեղեկություններով՝ քննության արդյունքում զորամասի հրամանատարական կազմի մի շարք ներկայացուցիչներ կենթարկվեն խիստ պատիժների, չեն բացառվում նույնիսկ պաշտոնանկությունները:

Armlur.am-ի հետ զրույցում զինվորի հայրը հայտնել է, որ մի քանի ամիս առաջ են այցելելով զորամաս տեղեկացել են, որ Արմանի մահից հետո հետախուզության բաժնի պետի լիազորությունները դադարեցվել են, եւ նա հեռացվել է աշխատանքից: «Դեռ ոչ մի բան չկա, ոչ մի բան չգիտենք: Քննություն ա ընթանում, ու ով էլ լինի մեղավորը, պիտի պատժվի՝ օրենքի ողջ խստությամբ», - ասել է զոհված զինծառայող Արման Ղուկասյանի հայրը:⁹⁶

2. Ներսես Ղազարի Կարապետյան

2014 թ-ի հունիսի 10-ին lin.am կայքով տեղեկատվություն տարածվեց այն մասին, թե Իջևանի զորամասերից մեկում զինվոր է մահացել եւ որ Իջևանի քաղաքապետ Վարդան Ղալումյանը հաստատել է այդ լուրը՝ նշելով, որ զինվորը մահացել է իրեն ամրակցված ինքնաձիգի կրակոցից:⁹⁷

Հետագայում ՀՀ ՊՆ տեղեկատվություն է տարածել դեպքի վերաբերյալ, մասնավորապես նշելով, որ մահացած զինծառայողը շարքային Ներսես Ղազարի Կարապետյանն է: Նա մահացել է Իջևանի քաղաքային հիվանդանոց տեղափոխելու

⁹⁴ <http://www.panarmenian.net/arm/news/177228/>

⁹⁵ <http://news.am/arm/news/199959.html>

⁹⁶ <http://armlur.am/179119/>

⁹⁷ <http://www.lin.am/1285240.html>

ճանապարհին:⁹⁸ Զինճառայողի մահվան փաստի առթիվ հարուցվել է քրեական գործ⁹⁹ ՀՀ քր. օր-ի 365-րդ հոդվածի 3-րդ մասի հատկանիշներով՝ մարտական հերթապահություն կամ մարտական ծառայություն կրելու կանոնները խախտելը որն առաջացրել է ծանր հետեւանքներ: Քրեական գործով տուժողի իրավահաջորդ է ճանաչվել Ներսես Կարապետյանի եղբայրը՝ Դավիթ Կարապետյանը¹⁰⁰:

Կարապետյաների հարեւաններ Սամվելն ու Արմենը lin.am-ի թղթակցի հետ զրույցում պատմել են, որ եղել են Իջեւանում եւ տեսել են Ներսեսի դին՝ գլխի շրջանում հրազենային վիրավորումով:

Նրանք նշել են, որ գնդակը գլխի վերելի աջ հատվածից մտել՝ ներքելի հատվածից դուրս է եկել: Իջեւանում նրանց ասել են, որ զենքը մաքրելուց է հավանաբար եղել, սակայն հարեւանները հակված չեն հավատալու նման վարկածի: «Իրենց էլ ենք ասել՝ երեխեն սպանված է՝ միամիտ, թե դիտավորյալ, սպանված է: Հաստատ է: Դեմքին ճանկովածքի հետքեր էլ կային», - ասել է հարեւաններից մեկը:

Արմենը նշել է, որ Ներսեսի գլուխն ամբողջությամբ արնաշաղախ էր. «Ես իր գլուխն եմ տեսել՝ արնաշաղախ. թե որտեղ է եղել... մեկ ասում էին՝ բլինդածում է եղել, հետո ինքը վարորդ է՝ հակասական պատասխաններ էին տալիս: Բայց որ Ներսեսը ինքնասպան չի եղել՝ ասում էին նաեւ այնտեղ», - ասել է Արմենը:¹⁰¹

Հարազատներ եւս չեն հավատում, որ իրոնց որդին կարող էր ինքնասպան լինել, դրա մասին է վկայում նաեւ այն հանգամանքը, որ դատաբժիշկը հարազատների հետ զրույցում եւս հերքել է ինքնասպանության վարկածը, ասելով, որ հրազենային վնասվածքը եղել է Ներսեսի գլխի գագաթային մասում, կրակել են 20-25 սանտիմետր հեռավորությունից:¹⁰²

Azatoryun.am-ի տվյալներով՝ Ներսես Կարապետյանը մոտ 11 ամսվա զինճառայող է եղել: Զորամասում վարորդ էր: Ընտանիքի անդամները կարծում են, որ Ներսեսի մահվան պատճառը դեպքից շաբաթներ առաջ գորամասում 180 լիտր բենզինի կորուստն է: Մայրը՝ Սուսաննա Հարոյանը եւ հորաքույրը՝ Կարինե Կարապետյանը պատմում էին, որ բենզինի պակասորդ է գրանցվել, որ Ներսեսը դրա հետ որեւէ կապ չի ունեցել, բայց վաշտի հրամանատարը նրանից է պահանջել կորած բենզինի գումարը: Մայիսի սկզբին տղան մի

⁹⁸ <http://www.yerkir.am/am/news/67047.htm>

⁹⁹ <http://razm.info/43614>

¹⁰⁰ <http://armlur.am/276826/>

¹⁰¹ <http://www.lin.am/1285606.html>

¹⁰² http://www.azatoryun.am/content/article/25384992.html?utm_source=dlvr.it&utm_medium=facebook

քանի որ արձակուրդ է վերցրել, եկել տուն, մայիսի 6-ին վերադարձել է զորամաս, եւ ընդամենը երեք օր հետո իմացել են նրա գլխին կրակելու մասին:¹⁰³

Դեպքի ուսումնասիրության հետագա ընթացքից պարզ է դառնում, որ Կարապետյանին ստորացրել ու վիրավորել են:

Azatutyun.am-ը գրում է, որ ՀՀ ՊՆ քննչական ծառայությունից ստացված տեղեկությունների համաձայն՝ գործով կասկածյալին՝ վաշտի հրամանատար, կապիտան Գարեգին Ասրյանին մեղադրանք է առաջադրվել ստորադաս Կարապետյանի պատիվն ու արժանապատվությունը ստորացնող վիրավորանքներ հասցնելու, ինչպես նաեւ մարտական հերթապահության կանոնները խախտելու, ծառայությունը ոչ պատշաճ կազմակերպելու եւ փաստաթղթեր կեղծելու համար: Սակայն վաշտի հրամանատարը չի ձերբակալվել, խափանման միջոց է ընտրվել չհեռանալու մասին ստորագրությունը: Ձերբակալված չէ նաեւ երկրորդ մեղադրյալը, որի մասին հայտնում է քննչական ծառայությունը՝ նույն զորամասի պայմանագրային զինծառայող, սերժանտ Էդգար Մանուկյանը: Նա մեղադրվում է մարտական ծառայության կանոնները խախտելու ու պաշտոնեական կեղծիքի մեջ: Մանուկյանը եւս չհեռանալու մասին ստորագրությամբ ազատության մեջ է: Երկուսն էլ իրենց մեղավոր են ճանաչել:¹⁰⁴

Ներսես Կարապետյանի գործով նախաքննության ընթացքում ձեռք են բերվել ապացույցներ, որոնց համաձայն՝ 19-ամյա զինծառայողին ստորացրել են, վիրավորել նրա արժանապատվությունը: Ըստ իրավապաշտպան Ժաննա Ալեքսանյանի «Սա այն եզակի դեպքերից է, երբ տղան պատմել է ընտանիքին այդ բենզինի հանգամանքների մասին: Այսինքն՝ շատ բան էր հայտնի արդեն, եւ նախաքննական մարմնի համար բավականին հեշտ պիտի լիներ միանգամից պարզել, թե ով է իրական հանցագործը: Ինչպե՞ս կարող էք այդ դիրքում մի քանի զինվորի մեջ չիմանաք՝ ինչ է կատարվել: Անհնար է: Սա դասական կոճկում է, ինչը միշտ անում է զինվորական դատախազությունը ՊՆ քննչական ծառայության հետ համատեղ: Ակնհայտ է, որ հանցագործությունը կոճկվում է այն դեպքում, երբ Պաշտպանության նախարար Սեյրան Օհանյանն այցելել է դեպքի վայր՝ բացահայտելու նպատակով: Բայց նրա գնալուց հետո լուրջություն է, եւ քննչական ծառայությունը այս մոտեցումն է ցուցաբերում»¹⁰⁵:

¹⁰³ http://www.azatutyun.am/content/article/25384992.html?utm_source=dlvr.it&utm_medium=facebook

¹⁰⁴ http://www.azatutyun.am/content/article/25428457.html?utm_source=dlvr.it&utm_medium

¹⁰⁵ <http://armlur.am/276826/>

Ներսեսի ծնողները շարունակում են պնդել, որ Ներսեսին սպանել է և դիակը դիրքեր են տարել, որպեսզի ինքնասպանություն ձեռնարկեն, բայց ոչ ոք չի հավատում այդ վարկածին:

Հարուցված քրեական գործով նախաքննությունը շարունակվում է:

3. Մերուժան Աշոտի Հարությունյան (ավագ լեյտենանտ)

2014 թ-ի մայիսի 2-ին լրատվամիջոցներով տարածվել էր լուր այն մասին, որ մեկ օր անառջ Վայքի շրջանում անհետացել է Վայոց Ձորի մարզի գորամասի զինծառայող, կոչումով ավագ լեյտենանտ Մերուժան Աշոտի Հարությունյանը: Տեղեկությունը հաստատվել է ՊՆ մամլո խոսնակ Արծրուն Հովհաննիսյանի կողմից՝ Panorama.am-ի հետ զրույցում:¹⁰⁶

ՀՀ արտակարգ իրավիճակների նախարարության տեղեկացմամբ՝ իրականացված որոնողական աշխատանքների արդյուքում սահմանային չեզոք գոտում՝ Տանձիկի ջրամբարում ջրահեղձ վիճակում 2014թ. մայիսի 11-ին հայտնաբերվել է անհետացած զինծառայողի դին:¹⁰⁷

Արծրուն Հովհաննիսյանը yerkir.am-ին հայտնել է, որ դեռևս հայտնի չէ, թե ինչ պայմաններում ու հանգամանքներում է զինվորականը ընկել գետը և նշել, որ դեպքի առնչությամբ տարվում է քննություն՝ պարզելու այդ հարցերի պատասխանները:¹⁰⁸

ՀՀ ՊՆ քննչական ծառայությունից հայտնել են, Մերուժան Հարությունյանի անհետացման կապակցությամբ դեռևս մայիսի 3-ին քրեական գործ էր հարուցվել՝ ՀՀ քրեական օրենսգրքի 365 հոդվածի 1-ին մասի հատկանիշներով՝ «ՀՀ անվտանգության ապահովմանն ուղղված մարտական հերթապահության կամ մարտական ծառայություն կրելու կանոնները խախտելը»:¹⁰⁹

Ըստ ԳԱԼԱ-ի կողմից տարածված տեղեկատվության՝ զինծառայողի մահվան շուրջ շրջանառվում են տարբեր վարկածներ: Մերուժանի հարազատները թերահավատորեն են ընդունում վարկածներից մեկն այն մասին, թե իբր Մերուժանը, մոտեցել է լճափին, ոտքը դնելով տիղմի վրա սայթաքել ու ընկել է ջուրը, ինչն էլ նրա ջրասույգ լինելու պատճառ է դարձել: Նրանք համոզված են, որ Մերուժանը ջուրն ընկնելուց հետո կարող էր լողալով

¹⁰⁶ <http://www.panorama.am/am/law/2014/05/02/a-soldier/#.U2M8q52-1WQ>

¹⁰⁷ <http://www.panorama.am/am/law/2014/05/12/a-soldier2/#.U3B1N1r9Wmw>

¹⁰⁸ <http://www.yerkir.am/am/news/67085.htm>

¹⁰⁹ <http://razm.info/43625>

դուրս գալ այնտեղից: Իսկ մյուս հարագատները, որոնք դիտել են տեղանքը, համոզված են, որ այնտեղ սայթաքելու ոչ մի հնարավորություն չկար, քանի որ տարածքում հատակը բետոնից է եղել:¹¹⁰

Դ. Դժբախտ պատահար

1. Գրիգորի Նորայրի Վարդանյան (ՀՀ-ում ՌԴ զորամասի պայմանագրային զինծառայող)

2014 թ-ի փետրվարի 26-ին, ողբերգական ավտովթար է տեղի ունեցել Լոռու մարզի Ստեփանավան-Լոռիբերդ ավտոճանապարհի 2-րդ կմ հատվածում: Ստեփանավան քաղաքի բնակիչ, 29-ամյա Գրիգորի Վարդանյանը իր կողմից վարած BMW մակնիշի 81 RO 001 համարանիշի ավտոմեքենայով դուրս է եկել ճանապարհի երթևեկելի գոտուց եւ մի քանի պտույտ կատարելով՝ գլխիվայր շրջվել: Այս մասին տեղեկատվություն տարածվել է shamshyan.com-ի կողմից:¹¹¹

Վարորդը տեղում մահացել է, իսկ ուղևոր՝ Ստեփանավան քաղաքի Վիրահայոց փողոցի բնակիչ, 28-ամյա Վահե Մելքոնյանը մարմնական վնասվածքներով տեղափոխվել է Ստեփանավանի բժշկական կենտրոն:

Փաստի առթիվ ոստիկանության քննչական գլխավոր վարչության Լոռու մարզի քննչական բաժնի Ստեփանավանի քննչական բաժանմունքում հարուցվել է քրեական ՀՀ քրեական օրենսգրքի 242-րդ հոդվածի 2-րդ մասի հատկանիշներով՝ ավտոմեքենա կամ մեխանիկական այլ տրանսպորտային միջոց վարող անձի կողմից ճանապարհային երթևեկության եւ տրանսպորտային միջոցների շահագործման կանոնները խախտելը, որն անզգուշությամբ առաջացրել է մարդու մահ:

Գրիգորի Վարդանյանը եղել է ՀՀ-ում Ռուսաստանի Դաշնության զորամասի պայմանագրային զինծառայող:

2. Եսայի Վարուժանի Եսայան (պայմանագրային զինծառայող, ենթասպա)

Մարտի 8-ին Երևան-Աշտարակ ճանապարհին՝ Քասախ գյուղի մոտ, ժամը 00.00-ի սահմաններում անձնական մեքենայով վթարի է ենթարկվել եւ մահացել Երևանամերձ

¹¹⁰ http://www.asparez.am/news-hy/carayakicner_ekelen_nkerojn_hrashejttalu-hy/

¹¹¹ <http://shamshyan.com/hy/article/140226101501/>

գորամասերից մեկում ծառայող, ենթասպա Եսայի Վարուժանի Եսայանը: Դեպքի մասին տեղեկություններ է տարածել News.am լրատվական կայքը:¹¹²

Դեպքի վերաբերյալ այլ մանրամասներ չեն նշվում:

3. Հարություն Գառնիկի Սաֆարյան (ավագ լեյտենանտ)

ԼՂ ՊՆ մամուլի ծառայության փոխանցմամբ մարտի 31-ին դարաբաղաադրբեջանական հակամարտ գորքերի շփման գծի հարավային ուղղությամբ տեղակայված գորամասերից մեկի պահպանության տեղամասի մարտական հենակետում մարտական առաջադրանք կատարելու ժամանակ ականի պայթյունի հետևանքով մահացու վիրավորում է ստացել 1987թ. ծնված ավագ լեյտենանտ Հարություն Գառնիկի Սաֆարյանը:¹¹³

News.am-ի թղթակցին ՊՆ քննչական ծառայությունից հայտնել են, որ Հարություն Սաֆարյանի մահվան դեպքով դեռ քրեական գործ չի հարուցվել, հավելելով, որ դեպքի առթիվ դեռ նյութեր են նախապատրաստվում:

News.am-ի տեղեկություններով՝ հնարավոր է նյութերի նախապատրաստմամբ հանցակազմի բացակայության հատկանիշներով քրեական գործի հարուցումը մերժվի:¹¹⁴

4. Հովհաննես Հովհաննիսյան (Գնդապետ)

Ըստ shamshyan.com-ի կողմից տարածված տեղեկությունների՝ 2014 թ-ի ապրիլի 26-ին Կոտայքի մարզում ողբերգական ավտովթարի հետևանքով մահացել է գնդապետ Հովհաննես Հովհաննիսյանը: Ժամը 02:00-ի սահմաններում Երեւանի բնակիչ, 45-ամյա Հովհաննես Հովհաննիսյանը իր վարած մեքենայով Երեւան-Սեւան ավտոճանապարհի 45.5 կմ հատվածում, ճանապարհային ուստիկանության պահակակետի հարեւանությամբ բախվել է իր առջևում ընթացող Աշտարակ քաղաքի բնակիչ, 48-ամյա Մխիթար Միրզոյանի վարած Զիլ մակնիշի ավտոմեքենային: Մահացած Հ. Հովհաննիսյանը ծառայում էր ՀՀ ՊՆ Ն գորամասում՝ որպես հրամանատար, կոչումով գնդապետ էր:¹¹⁵

¹¹² <http://news.am/arm/news/197996.html>

¹¹³ <http://nkrmil.am/main/am/newsMore676.html>

¹¹⁴ <http://news.am/arm/news/203378.html>

¹¹⁵ <http://hayeli.am/article/471577/>

Ռազմինֆոյի հետ զրույցում ՀՀ ՊՆ քննչական ծառայությունից տեղեկացրել են, որ դեպքի առնչությամբ հարուցվել է քրեական գործ ՀՀ քրեական օրենսգրքի 242-րդ հոդվածի 2-րդ մասով՝ ճանապարհային երթուղիների եւ տրանսպորտային միջոցների շահագործման կանոնները խախտելը, որն անգուշությամբ առաջացրել է մարդու մահ:¹¹⁶

5. Արմեն Յուրիկի Հայրապետյան (կապիտան)

2014 թ-ի հուլիսի 29-ին ականի պայթյունից մահացել է կապիտան Արմեն Յուրիկի Հայրապետյանը:

2014 թ-ի օգոստոսի 19-ին դիվերսիոն գործողությունները հետ մղելու եւ արժանի հակահարված տալու համար մի շարք զինվորների եւ սպաների պարգևատրման արարողության ժամանակ ԼՂ ՊԲ նախարար Մովսես Հակոբյանի նշած կապիտան Արմեն Յուրիկի Հայրապետյանի¹¹⁷ մահվան վերաբերյալ տեղեկատվությունը տարածվել է օգոստոսի կեսերից հետո, սակայն ըստ նախարարի նա մահացել է հուլիսի 29-ին՝ ականի պայթյունից: Ստացվում է, որ դեպքի մասին ՊԲ հայտնել է դեպքից մոտ 2 շաբաթ անց:

6. Պավլիկ Նիկոլայի Մանուկյան (կապիտան)

2014 թ-ի սեպտեմբերի 20-ին ՀՀ ՊՆ մամուլի ծառայությունը տարածեց տեղեկատվություն, համաձայն որի սեպտեմբերի 19-ին 17:00-ի սահմաններում N գորամասի «Գագ-66» մակնիշի ՊՆ N զինհամարանիշի ավտոմեքենան՝ նույն գորամասի զինծառայողների ստորաբաժանումը մշտական տեղակայման վայր տեղափոխելու ճանապարհին, Տավուշի մարզի Արծվաբերդ գյուղի մոտակայքում դուրս է եկել ճանապարհի երթուղիների մասից եւ գլորվել ձորը, ինչի հետեւանքով մեքենայի ղեկին գտնվող կապիտան Պավլիկ Նիկոլայի Մանուկյանը գլխի շրջանում ստացած վնասվածքից տեղում մահացել է¹¹⁸:

Մեքենայում գտնվող մյուս 13 զինծառայողները կյանքին վտանգ չսպառնացող տարբեր աստիճանի մարմնական վնասվածքներով տեղափոխվել են Բերդի զինվորական հոսպիտալ:

¹¹⁶ <http://razm.info/42470>

¹¹⁷ <https://www.youtube.com/watch?v=prdnfKQQwqU>

¹¹⁸ <http://www.mil.am/1411204607>

Դեպքի առթիվ ՀՀ քննչական կոմիտեի զինվորական քննչական գլխավոր վարչությունում հարուցվել է քրական գործ՝ ՀՀ քրեական օրենսգրքի 377-րդ հոդվածի 2-րդ մասի հատկանիշներով՝ մարտական, հատուկ կամ տրանսպորտային մեքենաներ վարելու կամ շահագործելու կանոնները խախտելը, որն անզգուշությամբ առաջացրել է մարդու մահ¹¹⁹:

Ե. Ջենքի հետ վարվելու կանոնների խախտում

1. Գոռ Բաբկենի Գրիգորյան (Լեյտենանտ)

Տես «Հուլիս-օգոստոս ամիսներին դիվերսիայի հետեւանքով զոհված զինծառայողների թվի մասին ամփոփ տեղեկատվություն»-ը:

Զ. Սպանություն

Դիտավորյալ սպանություն

1. Գրիշա Մուրադի Խաչատրյան

ՊՆ տեղեկատվության եւ հասարակայնության հետ կապերի վարչությունից ստացված տեղեկության համաձայն՝ 2014 թ-ի հունիսի 20-ին, հայ-ադրբեջանական սահմանագոտու հարավ-արեւմտյան ուղղությամբ տեղակայված զորամասերից մեկի պահպանության տեղամասի մարտական հենակետում մահացու հրազենային գնդակային վիրավորում է ստացել ժամկետային զինծառայող, շարքային Գրիշա Մուրադի Խաչատրյանը՝ ծնված 1994 թ: Նա զինծառայության էր զորակոչվել 2013թ. ամռանը Սիսիանի զինկոմիսարիատից:¹²⁰

¹¹⁹ <http://www.pastinfo.am/hy/node/51276>

¹²⁰ <http://www.aravot.am/2014/06/20/472913/>

Դեպքի վերաբերյալ ի սկզբանե հնչեցին իրարամերժ վարկածներ, մասնավորապես ՀՀ ՊՆ մամուլի խոսնակ Ա. Հովհաննիսյանը դեպքը ներկայացրեց որպես հրադադարի ռեժիմի խախտում:¹²¹

Իսկ հունիսի 20-ին լրագրողների հարցերին ի պատասխան ՀՀ Պաշտպանության նախարար Սեյրան Օհանյանը հայտարարել է, որ Գրիշա Խաչատրյանը նախնական տվյալներով մահացու վիրավորում ստացել է զենքի օգտագործման կանոնները խախտելու հետեւանքով:¹²²

Սակայն արդեն իսկ հունիսի 21-ին armlur.am-ի հետ զրույցում ՀՀ ՊՆ քննչական ծառայությունից հայտնել են, որ Գրիշա Խաչատրյանի մահվան փաստի առթիվ հարուցվել է քրեական գործ՝ ՀՀ քրեական օրենսգրքի 104 հոդվածի 1-ին մասի հատկանիշներով (սպանությունը՝ ապօրինաբար մեկ ուրիշին դիտավորությամբ կյանքից զրկելը), եւ հավելել, որ կատարվում է նախաքննություն:¹²³

ՊՆ քննչական ծառայության փոխանցմամբ քրեական գործի նախաքննության ընթացքում հարցաքննվել է դիրքի անձնակազմը, նշանակվել են դատաձգաբանական, դատակենսաբանական, դատաբժշկական, ինչպես նաեւ դատահետքաբանական, դատամասնադրոշմային համալիր փորձաքննություններ:

23.06.2014 թ.-ին դեպքի վայրը չպահպանելու եւ այն խեղաթյուրելու համար ՀՀ քրեական օրենսգրքի 375 հոդվածի 1-ին մասով (հրամանատարի կամ պաշտոնատար անձի կողմից իշխանությունը կամ պաշտոնեական դիրքը չարաշահելը, իշխանազանցությունը կամ պաշտոնեական լիազորությունների սահմանն անցնելը) նախատեսված հանցագործություն կատարելու կասկածանքով ձերբակալվել է նույն գորամասի պայմանագրային զինծառայող, սերժանտ Վարդան Առաքելի Կիրակոսյանը:¹²⁴

Իրավապաշտպան Ռուբեն Մարտիրոսյանը, ով ներկա է գտնվել դիախերձմանը, վստահորեն հայտարարել է, որ Գրիշա Խաչատրյանին սպանել են: Նրա խոսքերով՝ զինվորին սպանել են ոչ ավելի, քան 20 սմ հեռավորությունից: Դա կարելի է եզրակացնել հրազենային վնասվածքի շուրջ առաջացած մրի հետքերից: Կրակոցը արձակվել է աջից ձախ գլխի առանցքի հանդեպ հորիզոնական հարթության վրա:¹²⁵

¹²¹ <http://galatv.am/hy/tvprograms/about-general/rakocy-ardakvel-e-ajic-depi-dax-nor-manramasner-zincarayogh-risha-achatryani-mahvan-gorcov/>

¹²² <http://www.panorama.am/am/law/2014/06/20/soldier-ohanyan/#.U6Q25YRCEMk.facebook>

¹²³ <http://armlur.am/187617/>

¹²⁴ <http://www.tert.am/am/news/2014/06/23/pnmv/>

¹²⁵ <http://galatv.am/hy/tvprograms/about-general/rakocy-ardakvel-e-ajic-depi-dax-nor-manramasner-zincarayogh-risha-achatryani-mahvan-gorcov/>

«Իրավունքի» հետ զրույցում Գրիշա Խաչատրյանի մայրը՝ Նազիկ Վարդանյանը, սեպտեմբերի 27-ին հայտարարել էր, որ դեպքից անմիջապես հետո ամուսնուն կանչել էին ու ասել, որ վարկածներից մեկի համաձայն՝ եւս մի հոգի կա, ով վերացրել է երեխային, իսկ թե ով է նա, իրենք էլ չգիտեն: Իսկ Գրիշայի մորաքրոջ դուստրը՝ Գայանե Հարությունյանը, հայտնել էր, որ դեպքի հետ կապված երեք վարկած են ներկայացնում. 1. գուցե մի երրորդ անձ է կրակել Գրիշա Խաչատրյանին, 2. Գրիշայի կողքին գտնվող զինվորներից մեկն է կրակել, 3. Գրիշա Խաչատրյանն ինքնասպան է եղել: Ինքնասպանության վարկածը, սակայն, ըստ Գայանե Հարությունյանի, չեն կարողանում ապացուցել¹²⁶:

Կալանավորված Վարդան Կիրակոսյանի մոր՝ Մարիամ Մարգարյանի կարծիքով իր որդուն անօրինական են պահում կալանքի տակ եւ նրան ձերբակալել են նախարարի հրամանով:

Վստահ լինելով իր որդու անմեղության մեջ, մայրը նշում է, որ կրակոցիցի հետո Վարդանը բարձրացել է «դիրքեր» եւ տեսել, որ զինվորն արդեն վիրավոր ընկած է: Իսկ մինչ այդ նրան հրահագված էր եղել վնասագերծել վիրավոր զինվորի զենքը: Լիցքաթափելով զենքը՝ Վարդանն այն նորից դրել է տեղը: «Իմ տղայի ամբողջ մեղավորությունը կայանում է նրանում, որ ինքը զենքը տեղաշարժել է եւ հետաքննությանը խանգարել է, ու իբր թե մինչեւ հիմա չեն կարողանում պարզել, թե ով է կրակել», - ասում է ձերբակալված սերժանտի մայրը¹²⁷:

2. Գեւորգ Արտեմի Ավագյան

2014 թ-ի հուլիսի 18-ին՝ ժամը 07:00-ի սահմաններում, ՊԲ հարավային ուղղությամբ տեղակայված զորամասերից մեկի պահպանության տեղամասի մարտական հենակետերից մեկում մահացու հրազենային վիրավորում է ստացել զինծառայող, 1994 թ. ծնված Գեւորգ Արտեմի Ավագյանը¹²⁸:

Դեպքի առթիվ հարուցվել է քրեական գործ ՀՀ քրեկանան օրենսգրքի 104-րդ հոդվածի 1-ին հատկանիշներով՝ սպանություն՝ ապօրինաբար մեկ ուրիշին դիտավորությամբ կյանքից զրկելը: Քրեական գործի շրջանակներում ձերբակալվել ապա մի քանի օր անց

¹²⁶ http://www.iravunk.com/index.php?option=com_content&view=article&id=20502%3A-1-&catid=41%3AԼurer&Itemid=57

¹²⁷ <http://galatv.am/hy/news/ahmanapah-zinvori-teghy-henaketum-e-och-te-bantaxcum-inch-e-katarvel-hunisi-20-in-ew-ov-e-meghavor-20-amyazinvori-mahvan-hamar/>

¹²⁸ <http://galatv.am/hy/news/ahacu-hrazenayin-viravorum-e-stacel-zincarayogh-org-vagyany/> , <http://nkrmil.am/main/am/newsMore735.html>

կալանավորվել է Գեւորգ Ավագյանի ծառայակիցը շարքային Արմեն Հրաչյայի Սարգսյանը¹²⁹:

ԳԱԼԱ-ի աղբյուրների տվյալներով Գեւորգ Ավագյանը զինվորական ծառայության զորակոչվել էր Աշտարակի զինկոմիսարիատից: Նա Աշտարակի Ոսկեվազ համայնքից էր: Ապրում էր ծնողների եւ փոքր եղբոր հետ: Արմեն Սարգսյանի եւ Գեւորգ Ավագյանի միջեւ վիճաբանություն է տեղի ունեցել:

Հարազատներին ու համագյուղացիներին հասած տեղեկություններով՝ պատճառն այն է եղել, որ սպանված զինծառայողի ծառայակիցը դիրքերում՝ հերթապահության ժամանակ քնել է, իսկ Գեւորգն արթնացրել է նրան, հետո դիտողություն արել, որ դիրքերում չեն քնում: Ոսկեվազի գյուղապետ Հայկ Հովհաննիսյանի խոսքերով՝ դիտողություն ընթացքում ինքն էլ զինծառայողի հարազատների հետ ներսում է եղել եւ դիակի վրա ծեծի կամ խոշտանգման հետքեր չի նկատել¹³⁰:

lin.am-ի տեղեկությունների համաձայն՝ դեպքը տեղի է ունեցել Հաղրութի հենակետում հերթափոխի ժամանակ: Գեւորգ Ավագյանի վրա կրակած զինծառայող Արմեն Սարգսյանը քնած է եղել պահակակետում: Գեւորգը երկու ծառայակիցների հետ մոտեցել է, արթնացրել Արմենին եւ հարցրել, թե ինչու է քնել հերթապահության ժամանակ: Խոսակցությունը վերաճել է վիճաբանության եւ հայիոյանքների, ինչից Արմենը բորբոքվել է եւ մատը չվերցնելով ձգանից՝ ամբողջ պահունակը կրակել է Գեւորգի ուղղությամբ:

Արմենը Սարգսյանը ծնունդով Ալավերդուց է, զինվորական ծառայության էր զորակոչվել դեպքից 6 ամիս առաջ եւ առաջին անգամ էր դիրքեր բարձրացել, առաջին հերթափոխն էր:

«Առաջին լրատվական»-ի տեղեկություններով, սակայն, Արմենը ծառայության զորակոչվել է առողջական բազմաթիվ խնդիրներով՝ 3-րդ կարգի հարթաթաթություն ունի, որոշակի աստիճանի ճարպակալում, թոքերի խնդիր: Նա մի քանի անգամ հանձնաժողովով է անցել, նշվել է, որ հաստատված է՝ պիտանի չէ շարային ծառայության: Բացի այդ, նրան չէր թույլատրվում նաեւ հենակետ բարձրացնել: Սակայն ծառայության անցնելուց հետո նա էւ մասնակցել է շարային ծառայությանը, եւ, փաստորեն, դիրք է բարձրացել:

¹²⁹ <http://168.am/2014/07/18/388937.html>

<http://shamshyan.com/hy/article/21462/>

¹³⁰ <http://galatv.am/hy/news/arkac-zincarayoghi-spanutyayn-pattwarn-ayn-e-eghel-or-qnic-artnacrel-e-carayakcin-u-ditoghutyayn-are/>

Արմենի հարազատների փաստամամբ, նա նաև հոգեկան որոշ խնդիրներ է ունեցել, ինչի մասին, սակայն բժշկական փաստաթղթերում ամրագրված չի եղել: Նրա հայրը պատրաստվում էր առաջիկա օրերին գալ Երևան՝ զինվորական հանձնաժողովից պարզելու, թե ինչու է իր ծառայության ոչ պիտանի որդին այս օրերին դիրքերում, սակայն փաստորեն չի հասցրել:

Արմենի հարազատները կատարվածի այլ վարկած էին նշում: Նրանք դեպքի մասին հասցրել էին իմանալ, որ վեճը սկսվել է այն բանից հետո, երբ Գեուրգն ու մյուս ծառայակիցները Արմենին գտել էին հենակետում նստած, ոչ թե քնած: Նա ասել է, որ իր ոտքերը ցավում են, եւ չի կարող երկար կանգնել, ինչից էլ վեճը սկսվել է ու թեժացել¹³¹:

Ջենքի հետ վարվելու կանոնների խախտման հետևանքով սպանություն

1. Դերենիկ Արամի Մանուկյան

ԼՂ ՊՆ մամուլի ծառայությունը տեղեկատվություն է տարածել այն մասին, որ 2014 թ-ի հունիսի 11-ին ՊԲ հյուսիսային (Գյուլիստան) ուղղությամբ տեղակայված զորամասերից մեկի պահպանության տեղամասի մարտական հենակետում գլխի շրջանում հրազենային մահացու վիրավորում է ստացել զինծառայող, 1994 թ-ին ծնված Դերենիկ Արամի Մանուկյանը:¹³²

ՊՆ քննչական ծառայությունից ՍիվիլՆեթին տեղեկացրել են, որ մահվան փաստով հարուցվել է քրեական գործ ՀՀ Քրեական օրենսգրքի 373-րդ հոդվածի 3-րդ մասի հատկանիշներով՝ զենքի, ռազմամթերքի, ինչպես նաև ռադիոակտիվ նյութերի, պայթուցիկ կամ շրջապատի համար առավել վտանգ ներկայացնող այլ սարքերի, առարկաների կամ նյութերի հետ վարվելու կանոնները խախտելը, որն անզգուշությամբ առաջացրել է մարդու մահ:

Քրեական գործի շրջանակում նախ ձերբակալվել, ապա կալանավորվել է ժամկետային զինծառայող, շարքային Վոլոդյա Մանուկի Բաբիկյանը:¹³³

¹³¹ <http://www.1in.am/1373340.html>

¹³² <http://nkrmil.am/main/am/newsMore715.html>

¹³³ <http://civilnet.am/meri-sargsyan-soldier-arrested/>

SHAMSHYAN.com-ի տեղեկություններով՝ դեպքի ժամանակ հենակետում ուժեղ կայծակ է եղել, եւ կրակող զինձառայողը, կայծակը շփոթելով կրակոցների հետ, վախից կրակել է, ինչն էլ ձառայակցի մահվան պատճառ է դարձել:

«Ժողովուրդ»-ի հետ զրույցում, մահացած զինվորի հորաքույրը՝ Թամարա Մանուկյանը, ասել էր, որ իրենք բողոք չունեն, քանի որ Դերենիկի հարազատ եղբայրը՝ Հրաչիկը, որը դեպքի պահին կողքի խրամատում է եղել, ծնողներին վստահեցրել է, որ եղբայրը պատահականության գոհ է դարձել:

Զինձառայողի հարեւանուհու News.am-ի հետ ունեցած զրույցից պարզվել է, որ Դերենիկ մայրը դիմելու է քննչական մարմիններին, որպեսզի որդու մահվան գործով կալանավորված Վոլոդյա Բաբիկյանին չդատեն:

Դերենիկի մորաքույրը 1in.am-ի¹³⁴ հետ զրույցում նշել է, որ Դերենիկը ողնաշարի խնդրով եւ -5 տեսողությամբ գորակոչվել էր զինձառայության: Եվ չնայած այդ հանգամանքին նրան ուղարկել են առաջին գիծ՝ ստիպելով բարձրանալ 20 կմ՝ 12 կիլոգրամանոց գնդացիրը ուսին: Նա նաեւ տեղեկացրել է, որ Դերենիկի եղբորը նույնպես նույն առողջական խնդիրներով գորակոչել են զինվորական ձառայության:

Վերջինս, սակայն, Դերենիկի մահից հետո ազատվել է զինձառայությունից:

2. Վլադիմիր Ալեքսանի Հայրապետյան

ՀՀ ՊՆ տարածած տեղեկությունների համաձայն, 2014 թ-ի օգոստոսի 28-ին, ժամը 18:30-ի սահմաններում, ՀՀ ՊՆ N գորամասի մարտական դիրքերից մեկում գլխի ճակատային շրջանում ստացած հրազենային գնդակային թափանցող մահացու մարմնական վնասվածքով հայտնաբերվել է պարտադիր ժամկետային զինձառայող, շարքային, 1995 թ. ծնված Վլադիմիր Ալեքսանի Հայրապետյանը:

Դեպքի առթիվ հարուցվել է քրեական գործ ՀՀ քրեական օրենսգրքի 365 հոդվածի 3-րդ մասի հատկանիշներով (մարտական հերթապահություն կամ մարտական ձառայություն կրելու կանոնները խախտելը՝ որն առաջացրել է ծանր հետեւանքներ): Կատարվում է նախաքննություն¹³⁵:

¹³⁴ <http://www.1in.am/1326951.html>

¹³⁵ <http://www.mil.am/1409293031>

Հարուցված քրեական գործի շրջանակներում ձերբակալվել է պարտադիր ժամկետային զինծառայող, շարքային Սիմոն Սարգսի Մկրտչյանը¹³⁶:

Վլադիմիրի հարազատները նրա մահվան մասին լուրը ստացել են մահվանից ժամեր անց: Forrights.am-ը գրում է, որ՝ զանգահարել են բարեկամներին եւ առանց որեւէ նախաբանի հայտնել, որ զինծառայողը ինքնասպանություն է գործել, ապա հավելել են, թե նա այդ քայլին դիմել է ընտանիքի հետ խոսելուց հետո: Նույն երեկոյան զինվորի հայրն ու եղբայրը գնացել էին Մաշտոցի զինկոմիսարիատ, որտեղ նրաց փորձել են համոզել, իբր իրենց որդին ինքնասպան է եղել: Սակայն եղբայրը համոզված էր, որ Վլադիմիրն ինքնասպան լինել չէր կարող. նա տարիներ շարունակ արեւելյան մարտաձեւով է զբաղվել եւ հավասարակշռված, հոգեպես ուժեղ մարդ էր եւ երբեք նման քայլի չէր դիմի:

Փաստորեն, այն բանից հետո, երբ զորամասն ու զինկոմիսարիատը փորձել են ընտանիքին համոզել, որ զինծառայողն ինքնասպան է եղել, առավոտյան ՊՆ-ն տարածել է պաշտոնական հաղորդագրություն, որում նշվում է, որ մահվան փաստով քրեական գործ է հարուցվել է ոչ թե ինքնասպանության հողվածով, այլ մարտական հերթապահության կամ մարտական ծառայություն կրելու կանոնների խախտման՝ որն առաջացրել է ծանր հետեւանքներ¹³⁷:

Է. Ինքնասպանություն/ինքնասպանության հասցնել

1. Սամվել Սեյրանի Հարությունյան

2014 թ-ի առաջին ինքնասպանություն որակված մահվան դեպքը զինված ուժերում գրանցվել է սեպտեմբերի 8-ին: Ըստ ՀՀ ՊՆ տարածած պաշտոնական տեղեկատվության՝ սեպտեմբերի 8-ին, ժամը 01:15-ի սահմաններում, ավտոհավաքակայանի շինության ետնամասում, ծնոտի շրջանում մահացու հրազենային մարմնական վիրավորումով հայտնաբերվել էր պահակախմբում որպես ժամապահ ընդգրկված ժամկետային զինծառայող, շարքային 1992 թ. ծնված Սամվել Սեյրանի Հարությունյանը¹³⁸:

¹³⁶ <http://galatv.am/hy/news/invori-spanutyam-gorcov-derbakalvel-e-partadir-jhamketayin-zincarayogh-sharqayin-imon-argsi-krtchyany/>

¹³⁷ http://forrights.am/?ln=1&id=10&page_id=192

¹³⁸ <http://www.mil.am/1410155556>

Նա Երեւանից էր, գորակոչվել էր 2013 թ-ի հունիսին: Զինձառայողը մահացել է Դիլիջանի բժշկական կենտրոն տեղափոխվելիս¹³⁹:

Դեպքի առթիվ քրեական գործ է հարուցվել ՀՀ քրեական օրենսգրքի 110-րդ հոդվածի 1-ին մասով՝ ինքնասպանության հասցնել: Կատարվում է նախաքննություն¹⁴⁰: Դեպքի հետ կապված ձերբակալվել է ժամկետային զինձառայող, շարքային Վարդան Վրեժի Դավթյանը: Նրան մեղադրանք է առաջադրվել ՀՀ քրեական օրենսգրքի 359 հոդվածի 1-ին եւ 358 հոդվածի 1-ին մասերով, 360 հոդվածի 2-րդ մասով՝ զինձառայողների փոխհարաբերությունների կանոնադրային կանոնները խախտելը նրանց միջեւ ստորադասության հարաբերությունների բացակայության դեպքում, որն արտահայտվել է ծաղրուծանակի ենթարկելով կամ հալածելով կամ ծեծելով կամ այլ բռնի գործողություններ կատարելով, գորամասում կամ զինվորական ծառայություն կրելու այլ վայրում պետին ծեծելը կամ նրա նկատմամբ այլ բռնություն գործադրելը կամ դա գործադրելու սպառնալիքը պետի կամ նրա մերձավորի նկատմամբ, եթե դա կապված չէ զինվորական ծառայության պարտականությունները կատարելու հետ, ինչպես նաեւ զինձառայողին վիրավորանք հասցնելը, որը կատարվել է ստորադասի կողմից պետի նկատմամբ զինվորական ծառայության պարտականությունները կատարելու կապակցությամբ¹⁴¹:

ՊՆ-ն զինվորի մահվան լուրը նրա հարազատներին հայտնել է ավելի ուշ, քան դեպքի մասին արդեն տեղեկացած armlur.am-ի թղթակիցը, որը զինվորի հարազատների ավելի շուտ է այցելել¹⁴²:

Ինչպես Սամվելի հարեւաններն են վստահեցրել, Սամվելը չէր կարող ինքնասպանություն գործել, քանի որ շատ հավասարակշռված երիտասարդ էր:

Սամվելի հարեւանի խոսքերով, ընտանիքը նախորդ օրը խոսել են երիտասարդի հետ: Հարևանը համոզված լինելով որ դա ինքնասպանություն չէ, կարծիք է հայտնել, որ գոնե երեկոյան՝ այդ քայլին գնալուց առաջ, կզանգեր, թեկուզ չասեր, որ ուզում է կյանքին վերջ տալ, բայց մոր ձայնը երեկոյան վերջին անգամ լսելու ցանկություն կունենար: Նա նաև հավելալ է, որ Սամվելը մերթընդմերթ բողոքում էր ծառայությունից, ու ասում էր, որ համաձառայակիցների հետ երբեմն կոնֆլիկտ էր ունենում: Սակայն հարեւանուհին միաժամանակ կարծիք է հայտնել, որ կոնֆլիկտը նման աստիճանի չէր հասնի, եւ ամեն ինչ

¹³⁹ <http://www.aravot.am/2014/09/08/495302/>

¹⁴⁰ <http://news.am/arm/news/227850.html> , <http://armtimes.com/hy/read/53604>

¹⁴¹ <http://armlur.am/231143/>

¹⁴² <http://armlur.am/227916/>

այսպես չէր ավարտվի: «Գիտե՞ք, կարծում եմ՝ դա անզգուշության հետեւանք է եղել: Կամ էլ, Աստված չանի, ինչ-որ մեկը գլխին սարքած լինի: Սա նույնպես չենք բացառում», - շարունակելով խոսքն՝ ասել է զոհված զինվորի հարեւանուհին¹⁴³:

Իսկ ՀՀ պաշտպանության նախարարը լրագրողներին հայնտնել է, որ «Նման դեպքեր գրանցվելու պատճառներից մեկը նաեւ պարապ մնալն է»¹⁴⁴:

Քրեական գործով նախաքննությունը շարունակվում է:

2. Արթուր Պերճի Մարգարյան

2014 թ-ի դեկտեմբերի 4-ին ԼՂ ՊԲ մամուլի ծառայությունը տեղեկատվություն տարածեց այն մասին, որ նույն օրը ժամը 15:40-ի սահմաններում մահացու հրազենային վիրավորում է ստացել ՊԲ հարավարեւելյան ուղղությամբ տեղակայված զորամասերից մեկի զինծառայող, 1995 թ-ին ծնված Արթուր Պերճի Մարգարյանը¹⁴⁵:

Զինծառայողի մահվան փաստի կապակցությամբ հարուցվել է քրեական գործ ՀՀ ՔՕ 110 հոդվածի (ինքնասպանության հասցնելը) հատկանիշներով: Նշանակվել են դիակի դատաբժշկական, ինչպես նաև՝ մատնադրոշմային, դատաձգաբանական-դատահետքաբանական համալիր փորձաքննություններ¹⁴⁶:

Ըստ նախնական վարկածի, զինծառայողն իր վրա կրակ է բացել իրեն ամրակցված զենքից: ԳԱԼԱ-ի հետ զրույցում Քննչական կոմիտեի մամուլ խոսնակը նշել է, որ զինվորի մահվան առաջին նախանշանները վկայել են ինքնասպանության մասին, ուստի քրեական գործ է հարուցվել ինքնասպանության հասցնելու դեպքի առթիվ, հավելելով, որ կատարվում է քննություն մահվան բոլոր հանգամանքները պարզելու համար¹⁴⁷:

19-ամյա Արթուրը Գյումրիից էր: 1 տարի առաջ ընդունվել էր Պետական Տնտեսագիտական համալսարանի Գյումրու մասնաճյուղ:

Իրավապաշտպաններ Արթուր Սաքունցի եւ Ռուբեն Մարտիրոսյանի դիտարկմամբ՝ փորձը ցույց է տալիս, որ սովորաբար ինքնասպանություն են որակվում այն սպանությունները, որոնց իրական մեղավորները սպայական կազմից են ու նրանց արարքը կոծկելու նպատակ կա:

¹⁴³ <http://news.am/arm/news/227850.html>

¹⁴⁴ <http://www.aravot.am/2014/09/12/496414/>

¹⁴⁵ <http://www.lin.am/1496747.html>

¹⁴⁶ <http://galatv.am/hy/news/ayastanyan-shukayum-nkateli-en-drami-arjhezrkman-procesner-oroncov-el-orosh-gorcaramer-pordum-en-paymanavorel-sparoghakan-shukayum-ardanagrvozh-gnatwy-ishecnenq-or-2014t-noyemberin/>

¹⁴⁷ <http://galatv.am/hy/news/rtur-argaryanin-inqnaspanutyen-en-hascrel-qnnchakan-komite/>

Արթուր Սաքունցը խնդրի լուծման հիմքում տեսնելով համակարգային փոփոխությունները, կարծում է, որ եթե անցած տարիներին կատարված սպանություններից որեւէ մեկի համար որեւէ բարձրաստիճան պաշտնյա պատժվեր, ապա սպանությունների թիվը հնարավոր է նվազեր: «Այդ համակարգային փոփոխություններ չկատարելը պարբերաբար դրսևորվելու են այսպիսի մահացության դեպքերով», - ասել է նա:

Իսկ Ռուբեն Մարտիրոսյանը կարծիք է հայտնել, որ դեռևս չպարզված գործերը միանգամից որակվում են ինքնասպանություն¹⁴⁸:

Հարուցված քրեական գործով նախաքննությունը շարունակվում է:

3. Դավիթ Հրաչյայի Քոլոյան

Ըստ ԼՂ ՊԲ տվյալների՝ 2014 թ-ի դեկտեմբերի 21-ին ՊԲ արեւելյան ուղղությամբ տեղակայված զորամասերից մեկի պահպանության տեղամասի մարտական հենակետում մահացել է ՊԲ զինծառայող, 1995 թ-ին ծնված Դավիթ Հրաչյայի Քոլոյանը:¹⁴⁹

Նախապատրաստված նյութերով 2014 թվականի դեկտեմբերի 22-ին ՀՀ քրեական օրենսգրքի 110-րդ հոդվածի 1-ին մասով նախատեսված հանցագործության հատկանիշներով հարուցվել է քրեական գործ:

Ավելի ուշ news.am-ը՝ հիմնվելով իր աղբյուրների տրամադրած տեղեկությունների վրա, հայտնել է, որ զինծառայողը մահացել է նոնակի պայթյունի հետեւանքով¹⁵⁰:

Հետագայում, ինչպես նշում է forrights.am լրատվակա կայքը¹⁵¹, ՀՀ քննչական կոմիտեի զինվորական քննչական գլխավոր վարչության առաջին կայագորային քննչական բաժնում ՀՀ քրեական դատավարության օրենսգրքի 180-րդ հոդվածի կարգով, հանցագործության հետքեր, այլ նյութական օբյեկտներ հայտնաբերելու, ինչպես նաև դեպքի համար նշանակություն ունեցող մյուս հանգամանքները պարզելու նպատակով կատարված դեպքի վայրի, Քոլոյանի դիակի արտաքին, դեպքի պահին նրա հագին եղած զրահաբաճկոնի զննումների, ինչպես նաև դիրքի զինծառայողների բացատրությունների արդյունքում ՀՀ քննչական կոմիտեն բավարար հիմքեր է գտել ենթադրելու, որ նոնակը պայթել է Քոլոյանի գործողությունների արդյունքում:

¹⁴⁸ <http://www.azatutyun.am/content/article/26727621.html>

¹⁴⁹ <http://lurer.com/?p=167526&l=am>

¹⁵⁰ <http://news.am/arm/news/245231.html>

¹⁵¹ http://www.forrights.am/?ln=1&id =10&page_id=217

Դեպքից մի քանի օր անց ՀՀ քննչական կոմիտեի ՋՔԳՎ առաջին կայազորային քննչական բաժնում քննվող քրեական գործի շրջանակներում ձերբակալվել են դասակի հրամանատար, ավագ լեյտենանտ Մ.Բաբայանը եւ շարքային զինծառայողներ Սիմոնյանը, Չապուխյանը: Մ.Բաբայանը կասկածվում է ՀՀ քրեական օրենսգրքի 375-րդ հոդվածի 1-ին մասով նախատեսված արարք կատարելու մեջ, (իշխանությունը չարաշահելը, իշխանագանգությունը կամ իշխանության անգործությունը): Շարքային զինծառայողները կասկածվում են Դ.Քոլոյանի պատիվն ու արժանապատվությունը ստորացնելով ծաղրուծանակի ենթարկելու, վիրավորելու մեջ:

Շարքային զինծառայող Սիմոնյանը ձերբակալվել է՝ ՀՀ քրեական օրենսգրքի 359-րդ հոդվածի 1-ին մասով (2 դրվագ) եւ 360-րդ հոդվածի 1-ին մասով (2 դրվագ), իսկ շարքային Չապուխյանը՝ 360-րդ հոդվածի 1-ին մասով (3 դրվագ) նախատեսված արարքներ կատարելու կասկածանքով¹⁵²:

¹⁵² <http://galatv.am/hy/news/amketayin-zincarayogh-avit-oloyani-mahvan-depqi-artiv-harucvac-qreakan-gorcov-derbakalvel-e-dasaki-hramanatoryew-erku-zincarayogh/>